



攻媿先生文集卷第八十五



鑰大防

祭文

祭叔父郴州文 以下代工部

嗚呼我父是生五子惟我與弟年差無幾幼則
同隊長則共被矯以三兄雍熙同軌歲星一周
淪謝相繼鴈序彫零門戶亦替相與為命二人
而已平生宦遊勤劬千里晚食相祿俱還桑梓
築室比鄰為終為計弟室无成如鼓如矢我家
未就猶費經理寓止外舍相考密迓有景共賞

有酒同醉杖屨相遇過中有真味所期百年同此
燕喜弟抱微疴時作時止我官子朝祖餞如礼
執手郊原勉進藥餌時得安書疊盈紙猶子
來凋得官辟水弟雖卧病頗忘自慰歸侍十日
遽已疲瘁匡禱百端竟以不起嗚呼哀哉才術
之施十不一二兩宰劇縣一佐邊壘精明絕人
所至可紀蒞官行法治家處已內外斬死小
不治謂宜進用以繼先世天乎不淑遽已亡矣
吾之子祿聊復尔耳為飢所驅未免漫仕又謂
小別不甚為意安知數旬便隔生死心摧肝裂

哀淚如洗使吾之心知其至是雖有蕩萬鍾詎青肯
舍尔他時賦歸浮謀閭里隻影翩然寧忍念此
今也死不得抚其棺葬不得臨其處向風長號
不知有生之為美肯酒嘉釵遺子以祭情傷不
文姑寓哀音嗚呼九京其有知乎猶以少見吾
手足之象

祭安康郡俞夫人文 蔣參

起子名門作配君子壹助之賢輝子彤史惟子
惟孫班衣盈門子列朝行孫秀而文歲時上壽
簪笏相映家慶成圖一時之盛年登八十胡不

百年日月云吉將祔九原某等相與有連寧契
不薄哀以送之奠此情酌

祭伯母馮恭人文 同兄弟

巨族之胄華京是歸婚好益締室家具宜事夫
如賓捧案齊眉抚族以和恩愛无虧秩子舍
親戚團團情話嬉何意中途一疾寢危繼以
計聞攀家傷悉灵輦西旋却迎奔馳不覩温顏
徒瞻雲旂涕洒百行何悲如斯矧此仲春寔空

有期嘉穀在俎旨酒在卮情寓於文灵其聽之

祭王樞密文剛中以下代仲舅

猗欤王公生宋八葉身歷四朝險夷一節貫穿
百家藝苑耕獵其在江湖名已超躡出陳治安
為天下甲道山峩巍金門岌業鳳掖優处鶴
獨揖大執王言典典謨接坤維謀帥公論誰協
帝曰汝諧往即功業蜀道之難捫參仰脅尊為
忠臣叱馭不悔朝无顧憂威動边堞奉祠以歸
高卧鄉邑東山雅志鷗盟不軟胡塵忽驚騎塹
四帝羽檄星馳軍衣夜急尺一趣还承明再入

首定國是終始堅執忠肝義胆趣見眉睫臣主
相遇神會氣合樽俎折衝醜虜震警智略縱橫
関机開闔王師增氣一月三捷侵躔後歸信使
響答遂登西府以贊調燮人皆謂公行矣爰立
大厦梁棟巨川舟楫輔成太平光明熒燁天胡
不慙變生呼吸人之云亡孰不嗚咽天子震悼
為輟朝集見之恨晚用之无及存歿哀榮贈賻
雜帑某列官于朝莫拜馬鬣灵輿啟途丹旆帖
帖哀以送之千古一訣

祭鄂衡州文 若谷

嗚呼衡州才大屈宋筆擅雕龍詞高吐鳳妙年
馳声出冠鄉貢吾州多賢不利首送惟公開荒
徑挹晁董吏事精明万口歸重亨途方闢八駿
飛輕詭口含沙巧發竒中退隊諸淵公不為動
天定勝人復為時用惟公之文蓋像禁從請廟
作歌進配雅頌驥足方馳三刀形夢悠然漫任
無所修綜閉閣却掃胷次空洞至寶橫弃称屈
弥衆公乎云亡鄉曲嗟痛来祖公表為之一慟

祭趙路鈐文 不枯以下代仲舅同鄉人

惟公派出天潢生長昭代政宣隆平出八廣内

艱危奮忠脫身騎塹率歸行闕官以寢大耋歸
四明踰四十載待人謙恭處身靜退蓮社泛游
今為前輩樽酒相遇雍容貴介揚清歌以攻洽
談中都而感慨蓋今日宗室之遺老猶使人識
承平王孫之故態也年踰七十風度不改却看
侍祠峩峩冠佩屬近行尊富貴未艾一疾困之
遽至危殆嗚呼安閑一堂真率高會忽焉陳迹
樂不可再相輿設奠以致哀尚英爽之如在也

祭徐少卿文子寅

惟公骨相竒麗德量汪濊和而知介圓而能方

早繼家聲明習憲章旋自幕府徑登朝行乃分
左符乃奏明光曲屯之策結知壽皇委寄日
隆寵賚相望富貴逼人進用未央賦歸十年林
壑徜徉漢東天台尤稱循良持節踰嶠澄按南
邦云胡不淑季子夫傷情鍾弗堪公亦云亡歸
途千里西旄飛揚行道賓涕而况州鄉公等從
游日里歸羸茲登公門總惟在堂遺像如生真
此一觴相向失声尚其來享

祭趙恭人文王滁州之室

嗚呼彤史不書女教不修閨門之間動多悔尤

賢哉夫人，獨異輦流。天子淑質，婉孌和柔。不虐
不始，不伎不求。事始以孝，与物以周。舉无間言，
豐裕優游。宜備五福，益高春秋。胡為累年，心重
百憂。使君既亡，二子不啻。馴致末疾，遂不可瘳。
某等辱在親党，具聆芳猷。設奠一哀，非為膳羞。
尚尔後人，盡慕是收。

祭袁通判文章

嗚呼！惟袁氏四世五公，盛于東都。五世登科，望
于鄉閭。惟吾叔平允為耆儒，少鳴膠庠。文高行
孤，中年漫仕。日著令譽，晚益倦游。有宅一區，安

貧樂道，隨時卷舒。古所謂為信好孝，守死善道。
君處恭執事，敬与人忠者，惟公兼之。而有餘壽，
登八秩，皤鬢霜洎。出則舍車，而徒字則蠅頭細
書外和內剛，不可得而親踈。勞謙終吉，矢死弗
渝。進不聞呂父之小獵，退不見申公之安車。祿
不及子之孫，蚤孤養不至于列罪。任不过子題
與，人或不堪其憂。而公處之則晏如也。沉疴未
侵，水已浮膚。天不慙遺，奄歸泉途。識与不識，聞
者嘆吁。惟余齊年，往來舒徐。允秘同社，視公步
趨。有几有杖，有琴有壺。載平時問字之酒，奠今

日一束之芻欲馮余悲言典法俱嗚呼尚復有
全德焉行博物治開之君子如吾叔平者乎

祭魏丞相文代平知道

嗚呼惟公盛德不可涯溪雖欲屢數莫突一二
竊窺緒餘蓋本實地故其設施不誣不偽少而
篤孝寢食不置壯而從政動施實惠其奉大夫
人也既備于色養又及手足之愛以承其意其
事明天子也既尽于輔贊又罄啓沃之忠以順
于外虜再犯境淮向鼎沸見大夫先可使者召
從幕府張壇出使所謂飛矢在上行人在下而

公神色不動講解而歸和議至今南北之人受
公之賜者又不知其几也晚居碧溪不渝東山
之志潭之居固已因其旧而山林日涉隨其
高下蓋天作地藏以為公宴居之計益覽載籍
出入釋老觸物而詠遇客則醉其雍容蕭散野
老爭席風流醞籍有晋宋之風度則又其餘事
也人皆望公再登端揆使其小却犹當出侯藩
方使万物為之吐氣不然處之林下尚可以典
刑于善類天不慙遣奄察塵世詩不云乎人之
云亡邦國殄瘁其公之謂乎某考先祖諸父俱

託夙契來官異縣獲拜簪履憐其孤筮視猶予
弟引而進之極力于噓枯吹生之際頭顱如許
莫振洪施再拜公前俯伏流涕嗚呼公手尚歆
此蘋蘩之意

祭王舍人文 以下代陳閣李

惟陳氏世家閩中我先少鄉兄弟始徙鄞州叔
父之外他无菁功之親族猶未大也迺歲在丙
戌余得庶子是時年方壯而處貧不得已鞠于
趙氏迨今十有九年夫人无恙時屢以為言謂
趙氏有子可以歸矣庶子之秋既矣子畢因念

夫婦俱涉半有而子姓凋踈滋有意請于趙氏
因仍至今夫人忽以疾亡而言猶在耳此子已
不得遂事于生前豈在更緩于今日二子輩蒂
扶靈輦以東牢災在迺且將卜葬以十二月戊
子之吉命子歸伏喪次侵執喪如礼以成夫人
之灵意以廣陳氏之嗣續又以全諸子手足之
愛且俾先志趙氏抚育之恩夫人有知尚臨此
言嗚呼尚忍言之

祭刘宜人文

嗚呼夫人之德柔惠淳直夫人之福康寧戩穀

相夫而夫聞于鄉教子而子顯于朝年益尊而
无一事之遺家愈肥死而一毫之驕自奉至約
以施則饒言无枝葉聞者意消母儀婦則真可
以表儀于閨闈蓋八十四年處之如一朝晚歲
尤盛矣侯宴喜安輿徐行去鄉密迓千騎奉迎
金章拱侍舍館弄孫班衣渚：乃開慶筵大集
珠履欢謹雜然洋溢千里云何不淑禍福伏倚
内外鹽傷几為罷市夫人之身固无憾矣他人
為壻犹曰半子我壻王氏維子是似抚愛之辱
今踰三紀室人云亡伸傷未已夫人計聞痛哭

流涕效官詞掖欲歸无計喪不得瘞其棺而一
慟矣不得臨其穴而盡礼敬狀行事不敢溢美
雖已大忤特書而淑德懿行終有不能尽言之
媿也二甥東歸致奠甚菲東望長號哭其歆止

祭王參政文

之望以下曾吏部

惟公負卓犖不羣之才眷剛大不屈之氣富閎
深自得之孝奮經綸四海之志出其緒餘于不
一二蓋文章直欲追兩都之風而政事已足絕
俗而驚世矣正色立朝官曰諫塚明白賢佞公
非公是振舉綱紀使君子有所恃而小人有所

畏督師淮堧長城千里雅歌投壺坐却胡騎進
參政機人謂且相而翩然去之高蹈赤城視富
貴如脫屣東坡先生稱張文定公曰上不求合
於人主故雖貴而不用；而不尽下不求合於
士大夫故悅公者寡不悅者衆然至言天下偉
人則以公為首者豈公之謂耶某登公之門俯
仰二紀假守海邦猥繼英軌欲一拜公于床下
而公已屢疾欲見不遂觀、巨公何恙不已人
之所以期公者未艾也而泰山其頽乎大松崩
闡者為之流涕嗚呼吏民方相与泣于甘棠之

下亟遺薄奠以寓千里去思之意尚當力追公
於步趨之餘庶乎不為九京之媿也

祭劉衢州文朔

嗚呼天之生賢其畜已甚鍾山川之靈委造化
之和不為不斬予之以賢授之以才而獨短其
命伯牛之疾顏淵之夭豈獨其身之不幸人物
器業有如公者儻焉奪之蒼、者又何其太忍
耶嗚呼我公受天異稟當今人才在第一品處
之孔門未必不升堂而在寢君之廟堂上可使
藜藿之不採下可使斯民之奠枕南宮一鳴萬

口皆噤風節日新利害益審激貪立懦論議鯁
挺不事孫劉自不得一日安於朝廷之上小試
兩州皆足以追藝黃之遺軫三仕三已重以疾
病正路坦孤蹤凜四方屬心謂公之未達
者天將降以大任孰知夫堂王佐之才百不
一騁而遂至於墮手嗚呼公之純孝溫清定省
鶴髮在堂公必不瞑公之友愛不見畦町十年
相望俱身重名於時忽相從於九原此尤薦紳
韋布之所悲哽也某慕公高風歲月良遠假守
東嘉方視公以為繩準惟茲邦人崇仰最謹君

子服道德之教小人懷撫字之政訃音一聞哀
感萬井詩不云乎人之云亡邦國殄瘁要當為
天下惜爾何止於海隅之一郡耶

祭王詹事文十朋

惟公行出手誠學根乎經高見遠識特立獨行
射策論事仲舒賈生面折廷諍汲黯王陵功成
羽翼政如神明人或一得公集其成公論之興
公為主盟事失其平公為權衡一有抑揚人為
辱榮一有去就國以重輕人亡一鑑夢奠兩楹
明主震悼善類失聲天亦惜之為之墮星某昔

拜公庭獲以迎公去不回誰其典刑往哭不可
郡紱是索設祭道周酌公之靈精爽凜然尚其
顧歎

又代莫守

嗚呼其之於公殆有夙契稽山定交歲踰一紀
晚寮青宮益敬益畏道義相勉草木臭味哭公
之喪義如同氣茲為假守實公梓里九京不作
何所則視公雖云亡道在百世嘗錄遺事上太
史氏盛德大節略具是矣嗚呼我公詩不云乎
高山仰止景行止奉以周旋毋敢笑墜視焉

如生庶几无媿欲酌宿草相望一水馳奠告哀
潜然出涕

祭薛寺正文

惟公孝博而知約行高而不孤政戾而无苛論
正而不迂求之海内未見其比意者天生斯人
其必將回狂瀾于千載之絕孝建功名於万里
之亨途總小試而奪之蒼蒼者又何其忍乎公
之守吳余在故庐我来剖符公歸里居固嘗服
高風于踐履之旧聽宏論于罄刻之餘方將日
親直諫多聞之益尽讀篋中未見之本曾不見

于儿日驚死生之頓殊寓哀情于短章灑哀淚
于生芻嗚呼吾老矣不知餘生尚復見人物如
公者乎

祭郅司法文 頴司官

嗚呼德升止于斯乎早名荐書而不得上太常
之一第晚歷曹掾而不能脫七階之迭進欲試
无所有銜不祛旁覩者為之歎息而君處之則
裕如也方其醜酒劇談裁燭賦詩精神矣拔不
見衰相謂當收功名于桑榆孰謂夫江風匿薄
得疾膚腠一八膏肓而不可除方矐瞭然強忽

笑語凜如對面而蓋棺事定青衫已上于昼圖
矣嗚呼倡酬之詩易而為哀挽之歌清飲之樽
今而酌祖奠之芻德升尚能飲而聽之否淚尽
詞彈空相與望君于路隅君則已矣有子是似
古人所謂非在其身在其子孫者其在斯人歟

祭陳司戶文 僖

惟君之家世篤儒孝君之皇考尤號淵博噤不
得施晚而君生謂與吾宗教之以經韶亂秀於
書无不讀中童子科老生嗟服遊孝十年暮鹽
朝藿乃登上第乃瞻龍飛得官戶曹千里跬

步云何不淑至此大故君之于家孝友天成收
卹孤露糾合宗盟君之于文臺：不倦自公之
餘手不釋卷君之于義勇于敢為親旧有急匍
匐救之積是三者宜其遠到壯年長才廢于中
道哉：閩山灵峯何歸：旒翩然云胡不悲惟
我同寮周旋最久菲莫鷹誠疚心疾首

又路祭

嗚呼武仲孝甚富而命其奇也氣甚高而位甚
卑也天昇之以才而不与以时也又嗇其寿使
不及四十之期也一疾困之遽成九原人皆悼

其不幸而同寮之心又何其悲也詩盟文會書
名居以為永好非君主之而誰也青衫昼圖宛
宛乎君之芝眉也矣天赫曦道阻長且丹旒翩
然君將安歸也官則有守欲送不可惟君蒙暑
行之无恙犹可以慰我之思也祖奠于郊向風
長號不可及也嗚呼武仲知乎不知也

祭湯寧海文烈

惟君之資如玉之粹惟君之辭如綺之麗来宰
寧川政尚平易惻愍无華彈琴而治茲方及瓜
束擔歸計奇疾困之旦長逝囊無衮衣室有

孤累吏民具衰几于罷市矧同王事休戚所繫
不圖善人忽為隔世雖有菲奠不得自致君其
歸乎望、揮涕

祭陳安人文

唐事良翰女兄旌表門閭以下同守俸

台之著姓朱陳是推既生自陳朱子誠歸一門
孝友累世不虧夫人贊之室家具宜之死靡他
面割甘誓夫人視之婦道與稽夫人之姑年登
期願孝養既勤壽社孔齊夫人之弟名德峩巍
同氣是似為家門楣月評并聞冠光陸離旌表
高門彤史有輝某茲叨假守欽歎壺彝思潘清

風以厲幽閨援設菲奠未瞻總惟節孝有閭迺
者式之

祭劉天台文孝憲

名父之子徒勞州縣悃悞無華夙宵不倦平易
近民之罔怨咨生無赫、死則痛之知君清貧
賻贈加厚知君無歸謀葬山阜更率同僚奠此
一觴君而有知庶其來享

祭周侍郎文代侍從

惟公性識淵冲智略輻湊悃悞無華持心近厚
趨事赴功力瘁心疲險夷屢更介然有守五溪

深八四蜀奔奏給餉數年簡在斯久擢主大計
身途方驟云何未疾遽啓足手位不稱德年不
及壽急羨首公可以不朽信息從班子公何有
天其或都欲昌厥後其等為僚屬耳底蘊未究
忽拜總惟孰不疾首乃陳斯殺乃酌斯酒矢哀
以文公乎知不

玫瑰先生文集卷第八十五

玫瑰先生文集卷第八十六

挽詞

史文惠王挽詞

四明樓

鑰大防

八行源流遠三師慶系遙樞庭先附鳳相國荐
簪貂感會逢千載榮華冠四朝甘盤稱舊學綺
季造儲寮曆數終歸舜美墻欲見堯聖圖滋廣
大孝治極光昭善類茅連茹英才楚刈翹經綸
任鈞軸詢訪及芻蕘未急宣攘狄先求禹格苗
許謨裨廟筭長策御天驕衮闕心勸補美大和手

自調臨机杜如晦慶事李文饒越俗懷恩紀閩
人服教條羣公推治行所至起民謠晚歲車垂
薛皇慈第賜蕭精鏐孟引寿宝玉帶橫腰潭府
揮宸翰頻年走使軺中書輪尚父封戶溢票姚
教子躬師道傳家作世標神綏成继踵鈿槩到
垂髻持論書還著談經燭屢燒官雖居鼎將樂
不改簾瓢門外車長蒲樽前客載招人間等游
戲物表自消搖幾見承三接重来侍九韶桑榆
方借暖蒲柳數先凋兆顛餓憑几衣冠忽葬橋
信能依日月端合配宗挑賤予慙愚惜平時荷

宣公全蜀增天險長淮折大戎經綸今已矣貫
日有餘忠
賤子慙生晚龍門莫問津詞場沾賸馥政地仰
洪鈞古栝杏壇舊東嘉棠蔭新九京無後作知
已更何人

樞密謝公挽詞

臣主一意合風雲平地生立朝專論諫為國摠
樞衡行矣登三事悲哉奠兩楹輟爪思意重終
始備哀榮
千古台山秀名流刻鴈行惟公登政路一旦破

天荒故里空華屋佳城映允陽送車无路到
望淚浪

觀文殿學士陳公挽詞

台嶽鍾神秀居然社稷臣海涵本萬卷魁冠數
千人南服頻懷緩西垣屢演綸惜哉真漢相不
遂秉洪鈞
几見衣冠偉終聞羽翼成先皇崇旧李大政
任名卿神苦親傳授崇朝丹太平功成身自退
罷利一豪輕
朝著登門久詢林厚眷深代言稱據古說札許

同恣去國臨歸路還家寄好音病中聞赴告老
淚動盈襟

林正惠公挽詞

愛直趙清獻忠文范景仁累朝推旧德今日見
斯人正色欲廟上敢言寧顧身紫樞方大用惜
不究經綸

去國名逾重還朝道益尊清虛懷骨體嚴冷帶
春温公綽真無慾臧孫尚立言騎箕雖未隔精
爽倏如存

凜凜古循吏堂上真臨公死生忘度外邪正烟

胸中憂世心誠切
籌邊事已空
龜潭山水流
慶典无穷

百辟素歸重
三朝俱受知
夙稜振臺省
名字落戎夷
召節叨同命
几廷踵旧規
隧銘亦不尽
歸泣峴山碑

丘文定公挽詞宗

謀國規模闊
絕人才具高
三朝千載遇
四海一身勞
懦將通駕序
樞庭握豹韜
皇家資柱石
天邊奪伊臯

初擬文翁化
誰知懷遠圖
廟謨專制閭
世將易

兵符養虎竟
遺患斷蛇由
不殊寧同死
諸葛空恨失吞吳

千載庖居士
一朝裴晉公
宣威先抗虜
決策竟和戎
宥密行誰尼
規恢事已空
灰心更霜髮
千載泣英雄

處事拘攣外
鉏姦談笑中
幾年止主將
全蜀賴明公
畏愛眉衰日
清和夷惠風
屢吐終不厭
詩意亦何窮

同典隆興第
嘉禾見西轡
瀛壖迂使節
蜀道送行軒
預草剪髮頰
詔驚傳易箒
言不堪鸞鏡
舞雙

旒愴丘原

現文殿學士趙公挽詞彥逾

千古盛周宗皇朝實比隆位多窮貴爵誰見立
王功一語國先定寸心天典通就飛稽事實信
史詔无窮

授受唐虞際從容平勃間宗英誰柄用人望屬

棹閒晚待經閣讀寢登規殿班帝鄉留不住歸

去老湖山

麾節稱循吏三朝藹政声治如黃霸最心慕伯
夷清諸道俱遺愛西川尤著名起家臨制間更

羨錦衣榮

皇初更化追鋒詔語温同看三老起今歎一

身存別久勞魂夢人亡濺淚痕從茲歸故隱日

多典誰論

珍瘁人俱駭伊余独衣歎十年交義重五日舊

盟寒求去重維勢欲歸无羽翰佳城何處是東

盼涕沆瀾

聽履領簪纓忠言徹帝庭公方扶日月我亦寄

雷霆憂世形詞色卧家存典刑雲光更陳迹楚

此不堪聽

婁忠簡公挽詞 机

壯歲志先定者年氣不衰治高為縣日名重佐
州時雅望登朝著忠言徹帝墀亨途日千里闊
步不容遲

邊多釁初開惟公論不曰深謀比婁敬極力阻
王恢兒戲何堪用冰山忽已摧朝廷始更化大
老盍歸來

共政三年久蜚英四海尊色詞无假借夙裁靡
囂喧但欲持公道寧容啟幸門經綸終未寃犹
有典刑存

察案侍儲闈如公久任稀載欣商皓起終惜漢
疏歸問字煩參訂談經賴發揮一本真總要星
日重光輝

得姓共東樓同朝兩故侯文編叨二序誕日頌
千秋老矣俱宜去公手不少留來書墨犹濕展
讀淚空流

少保李公挽詞 孝友

戚閑疏恩厚勲門積慶餘子寧子飛將臂架插鄴
侯書六毒縣秦官重三槐漢相如惜哉終半百聞
者為歎歎

王忠文公挽詞十朋

夙負敢言氣，輸忠不受身。
刈蕢仍遇主，綺季更憂民。
治行真循吏，風稜古爭臣。
薦紳千載恨，不得究經綸。
梁木今其壞，誰能問大鈞。
恩深兩宮賻，哀動四州民。
已矣天人策，傷哉社稷臣。
吾生良可耻，不及見斯人。

端明殿學士汪公挽詞 五辰

制閭詩書師，公朝侍從臣。
身能全進退，人可得踈親。
曳履聲猶在，持衡迹遂陳。
從今凡百載，更

復見斯人

蚤歲聲名大，婆娑始遇時。
難兄屏隔坐，全子桂芳枝。
人望還為用，天胡不憇遺。
成蹊堪喻大，墮淚不須碑。

道學不盡識，功名抵緒餘。
立朝惟正色，薦士有遺書。
百贖嗟無及，九京誰與居。
莫酬推轂意，衰涕濕中裾。

錢殿撰挽詞 伯

雋舉蜚岸校，孤忠動冕旒。
林荒心欲斷，憂國鬢先秋。
惠滿長江水，風清八詠樓。
禁途交一臂，人

物芽閑休
粉社歸來晚
翛然得故吾
我詩頻刻燭
點易細
研末有淚悲
連壁無階
奠束芻名
門餘慶遠
丹
它看奇雛

趙待制挽詞粹中

明主畫三接
清班歲九遷
一居周柱史
徑入漢
甘泉批敕
廣東省掄材
上小天平生
經國志惜
不冠貂蟬
詩近劉賓客
字追歐率更
双旌古良吏
万卷老
書生世諦浮
雲薄生緣曉
夢驚吁嗟
東向設何

日遂施行
半世誰知己
登門意氣傾
交情忘父行
大會忝
余盟持論先
忠厚談經歎
老成
函先誰為
歿落
筆淚縱橫

端明殿學士王公挽詞希呂

片言寤主
上亨途幾
向專城佩
左魚羊陸
遇衝
雖坐折高
文宿憤竟
誰攄平時
屢草干言
奏重
絕枕騰八
難書漢殿
履声今已
矣西州遺
老信
款獻
短檠鐵研
用功深萬
卷蟠胸不
輟吟故國
遁身

來濟岱山壯年發藻向儒林愛民利物平生事憂
國忘家一片心史館頃年陪潤色挽公無路涕
盈襟

尚書尤公挽詞表

敏甚五行下豪釐耻不知千人揮筆陣万卷納
須弥有夏傳追蠡先秦拾斷碑鄴侯正挿架分
付稱家兒
憂國言多切回天力有餘衆推真李士上念老
尚書直道終難進高懷只逐初梁溪釣游處此
意竟何如

舊學方登用公來領從臣末光依日月聽履上
星辰共政將圖舊騰章屢乞身甘盤終罔顯雨
露未霑新
北面願師承東臺拜老成忘年容末至叙契若
平生風月吟千首雷霆寄一名送車無路到寒
涕為君傾

程文簡公挽詞 大昌

論著大哉堯英聲早已昭橫飛欽遠業特立仰
高標言議超千載風猷聳四朝惜乎經世李不
及珥金貂

太上崇者舊就鱗手可攀胡為避荒野竟復老
商山漢閣頌倫渥瀛壖擁旆還靈光遂陳迹西
望涕空潛
設卦探羲畫隨山窈禹謨仰天真見象畫地可
成圖健筆凌前輩殘膏泱萬夫登門嗟最晚猶
得覘宏摹

吳侍制挽詞博古

御史再乘聰忠言沃帝聰處心平似水疾惡迅
如風遇合蹉何晚論思信有功惜哉辛佐治竟
不到三公

三仕入儲闈堂：夾日飛初同四皓起終作二
踈歸冰玉清班迤衣冠盛事稀間君忽仙去西
望是邪非

東甬共賓興文闈賴主盟菲葑無下体衣鉢有
門生劍佩今何處樽壘空復情自慙无报所老
淚為君傾

王給事挽詞信

主眷逢千載寵光傾一時銓曹著官簿禁掖粲
英辭論議推東省威聲愴北夷平生經世意懷
卷竟何之

宦學素稱豪仍聞吏多高精神雖腹滿撫字亦
心勞藩輔連三組沉疴見一毛胡牀庾樓在殘
月墮江臯
自忝年家好居慙雌甲辰賓吳蒙異將客授喜
同寅別去時無幾年來意益親囿山觴詠地回
首重沾巾

顏侍郎挽詞度

宴坐勿菴上睇顏亦是顏平心真似水立說信
如山屢擁皇華節盍登清禁班始終無玷關風
裁許誰攀

祿養嗟無及朝飯一僧移忠躬塞錫類日
熙賦政優吳郡知賢仰阜陵清忠與公恕
餘慶啓昆仍
贅倖丹丘日眼看康濟泉同朝叨獎予侍坐得
周旋妙昼多傳寶遺文合細編典刑今已矣西
望涕潛然

陳文懿公挽詞

衆口推文伯何人識吏師義襟惟古有心地只
天知至死終無玷平生本不欺在公亡可憾犹
恨哲人萎

文最宜為誥尤能簡上心周旋鑿掖久惆悵五
堂深去國身仍遠還朝病已侵三山風引去雲
海竟沉

珍館徑歸郵人猶望秉鈞郵傳千里計哀動五
州民躡踊森賢嗣攀號感路人公手不亡矣袞
袞看簪紳

宅相惟公久伊余忝後塵十年追桂籍兩禁踵
詞臣接武參吾舅承顏奉老親幸成三學士何
意失斯人

一別屢經歲歸舟已及門方期情話恍空訝語

音存善行傳千載先詞媿九原傷心歌楚些无
地可招魂

文淵先生文集卷八十七

挽詞

四明樓

鑰大防

端明殿學士張公挽詞

天分已高明樂哉賢父兄
勲名希葛亮問學本諸程
襟滿英雄淚琴止手足情
相從九泉下何處覓三英

籍甚張京兆精神滿腹中
才高解牛刃手敏運斤夙
河許恩波遠壘間狡穴空
章臺舊時柳魚復映金猗

英略古無對外庸今最良
衆方期共政人已歎

去亡不聽尚古履猶懷太守章康廬星忽隨丹旒哀清湘

昔幸參朝列於公更有連規枋包世界風義薄雲天送別詩猶在貽也墨尚鮮偉人無復見惟務室青檀

仲舅敷文閣學士汪公挽詞

籍甚宇之舅難追宅相夙惟公能愛我獨我最知公潭府書無繼西州死已空形容盡心力庶或慰幽宮

外氏桂成叢諸甥長卷中名稱無酷似官達偶

相同澹室既長往適齋俄考終絕憐三學士只騰一衰翁

楊待制挽詞 王林

望重威無怒仁深勇有餘百年憂國志滿篋薦賢書德政不勝載才猷未盡攄佳兒人物似真可大門閭

蜀道名天險馳驅敢憚勞劍頭懸六印夢裏益三刀漢殿聯簪橐燕山擁節旄惜哉覘國意不得試龍韜

蜀國東南彥皇家屬意深賁卿頻報政上掛最

知心泛宅俱杭葦同朝擬斷金廟廊期引類
病兩便尋

事契因同薦交情晚益親半生文會少萬里官
游類別後去猶濕歸來迹遽陳何能發潛德空
有淚霑巾

沈憲敏公挽詞

天使魁鄉薦上令卿改官蚤我烏府豈終著侍
臣冠持節威行惠專城猛濟寬紹熙多舊學胡
不相宮端
仕宦接王楊諸公嘆老蒼門生多紫禁子舍屢

黃堂自得垂車樂誰傳却老方桃花千樹滿空
憶舊劉郎

徐邈今非介申根為得剛立朝無附麗受謫更
芬香戲綵衣冠盛圖碁日月長典刑今已矣無
後歸雲光

持論真遺直操心本至公羸賢寧市寵平冠不
言功光祿文階峻嘉具色養豐誰能死生際猶
得教之忠

晚出荷公知登門未竟遲通班依漢橐誠郡守
蕭規藻翰猶類寄宮牆不再窺新阡何處是西

望不勝悲

尚書湯公挽詞

先正真良弼彤墀四拜麻決科承奕世搗藻擅
傳家禁路優持橐侯藩幾建牙相門宜出相恨
不見隄汝

秦邸崇先契周旋古栢州殿庭觀唱第海郡繼
承流方快飛騰上俄聞汗漫游鳳凰山下路丹
旆想悠

隆興初先君除進奏代之後知栢蒼又與
周旋淳熙二年某為殿試諸位官預覆考

唱名日侍立殿上親見臚傳十六年來嘉
得召赴行在奏事湯為代

尚侍郎挽詞

矯、真御史夙生白筆端出持膚使節始著持
臣冠給鑲鬢先雪壽邊心為寒天手驚玉折不
及上金鑿

所至仁聲著甘棠幾去思敬嗟哭子伯道痛
無兒即省傷連壁文闈見刻碑邊民紛墮淚忍
讀峴碑山

尚書張公挽詞

文靖饒風度 高皇記曲江賢孫真是似才氣
號先雙我見持英蕩終看擁碧幢誠齋主詩社
到此亦心降
抚字推循吏論思領從班宏才名北闕高與屬
東山同歲功崇篤比鄰足往還舊游成昨夢淚
涕不勝潛

曾侍郎挽詞

文獻南豐裔源流曲阜公嚴：双法從凜：旧
家風金玉方交映人琴忽併空平生心地直流
慶尚先窮

紫陌尋春日惟公最少年鱣堂慙隗始熊軾媿
盧前寄我書猶濕思君迹遽倦同登今有幾揮
淚抚遺編

余給事挽詞

烏府仍躋陞銀臺更掖垣：幾先弗論外似不
能言厚德鎮浮薄平心剴劇煩用才殊未及无
地可招寬

桂籍先聯弟蘭階子克家上恩嘉踵武京秩為
增華朝著蒙傾蓋綸闈覩判花遽成千古別南
望想悲如

鄭司法挽詞

襟抱空無礙精神老不衰家傳司業學句逼簡
齋詩荒瘡留陰德平反有去思功名賣志沒
施称家兒

傾蓋欢如故相從滄海羈方將理詩社忽已
閔泉途歸路孤飛旋交情一束芻梅霖將客淚
澹灑平芜

梁仲蒼挽詞

延賞高三讓殊科擅一鳴元賓文未極長吉
記先成妙語遺膏馥玄談悟死生行人痛埋
壁父

子若為情

人物如君少相期上石渠博文該四部篤學富
三餘淚尽知无及交深未覺疎何時酌墳草
細讀茂陵書

吳通判挽詞

一死交情見鄉評重此翁素車奔夕夢繡被落
天風身任朋僚責心忘尺寸功每本卓行傳非
介亦非通

翁府君挽詞

翫驪翁夫子高才噤不施床頭癡叔易夢裏阿

連詩德表嗟何及天胡弗憇遺清風終未泯吹
拆謝庭芝

徐府君挽詞

孺子人如玉功名不在身死生齊物外孝有篤
天倫已有傳家子曾充覲國賓他年芳五桂傷
不見震椿

陳崇道挽詞

學造龜山蘊詩傳汝水餘子公足陰德陶令竟
開君白業追蓮社丹旌授寢虛貝父号寢平生了
无恨善類勿歎歎

未第聲先振纔官節已奇精誠與神合隱行畏
人知晚境终无玷遺文尚可師功名齋志歿回
施称家兒

魯少卿挽詞

棟葉儀鸞綴脩然而鬢班時清嗟歲晚游倦得
身閑人在義皇上經傳伯仲間桂枝芳未已何
止倍燕山六十年間登科者十人

前輩風流泯靈光獨巋然指園推甲族跪履記
丁年有手傷埋壁惟翁亦蛻蟬功名雖已矣千
載尚遺編

魏監丞挽詞 叔玠

元老餘風烈優游挹美官朝行喜銀父鄰好許
金蘭醫謾肱三折生惟指一彈難况秋夜感風
雨舊盟寒

族兄道州挽詞

出守春陵遠相思滿水深精神雖蒲腹撫字亦
勞心人去成千古書來失萬金懷哉季公諸已
矣漢碑陰

周太傅挽詞 汝能

雨漲瓠溪水風高五柳堂論文成莫逆撫事祗

堪傷訪靈無回擢面山空夕陽亂鶯穿綠樹誰
後為傳觴

碩人居氏挽詞 蔡尚書之室

頃侍尚書坐曾聞閫勛負晤言成勇退裏謁戒
私專夢斷松江路神傷薤露篇悼亡千里淚疊
嶂想新阡葬於平江

扶風馬君挽詞

閭里久湛浮真成馬少游有才堪辨劇無命盍
歸休雞唱言何達鴻冥逝不留佳城送君處風
撼白楊秋

豁野真連壁一奇寧遺金齊家平日學憂世百年心折券無難色傾困想義襟月評何處見名士列碑陰

黃君挽詞 周子及

積慶源流遠鄉評數天門吏才堪世用心可與誰論翫麟繞三控淒涼遽九原傳家五男子留眼看騰騫

陳祕撰挽詞 舉善

陳氏多名德茲來慕典刑宮端驚宿草邦彥冷撰又泉扁自古有遺直祇今誰獨醒蒼、何可問

耆舊日彫零

跬步不忘孝擬皮皆是真移忠思致主務實見臨民三諫言犹炳平生迹遽陳清風凜衰俗自足盪秋旻

徐季節挽詞

公府推徐穉山陽荐仲車盛時遺此老沒世竟窮廬行道嗟无命傳家幸有書魯山終不識枕卷倍款啟

周德遠挽詞 汝能之兄

家世傳儒業鄉邦得義風將迎无倦色交友尽

名公太學飛聲早浮生轉首空怡如堂下月犹
照紫荆叢

盧夫人挽詞武岡遂之婦

名族著崗頭幽閨女教修良人驚夢蝶衆子慕
桑鳩物化了難問壺彝誰為收于公有佳兆袞
袞看公侯

王夫人挽詞周子及之室

閨內誰无助夫人多特明傾囊資色券勉李就
清名遯世期高節辭風歎落英丁寧犹在耳仇
儂老為情

荆國風流遠幽閨女教循鴿魚驚逝水鶴髮倍
沾巾厚夜招香魄英詞列翠珉祗愁本字拙胎
笑衛夫人

鹿夫人挽詞同年在尉振之母

內外言无間初終志不移白頭供婦職彤管著
賢規慶衍珠三樹芳先桂一枝鳳岑歸去路含
笑不亟悲

慶霈疏封日姑慈不忍違人方侈君賜我独避
恩輝孝篤神在旁風高家愈肥新傳快女壻亦
後掛冠歸

旌表門閭安人陳氏挽詞詹事良翰之

婦德高千古鄉評徹九重柏舟終自誓石窆啓
新封孫子傳清白閨門慕肅雍死生無憾處了

不媿三從

族姓朱陳盛夫人多愈明老姑俱上壽難弟各

清名節行輝彤管門閭照赤城室鄰方有託何

忍送銘旌

孺人陳氏挽詞同前

追憶宮端曰典刑三貞况復是難先豈惟門戶

生光彩直使朝廷列始名煙海乘桴誰可奪天

風及及火報尤明雖云弟姊相從去自有英靈凜
君生

攻媿先生文集卷第八十七

改魏先生文集卷第八十八

改魏先生文集卷第八十八

叶挽詞

四明樓

鑰大防

王通判挽詞

世篤青箱學驛驢更著鞭
半山分近派巖壑
新篇竹馬迎双鳥棠陰憶
二天黃扉伸說論
風節尚翹然

才具盍時用拂衣俄去之
善藏經世手同施
称家兒羸博延陵恨人琴
子敬悲連年事如許
天道香難知

何司業挽詞 伯謹

頃歲游孤嶼名門說二何胡為終壁水自合上
臺坡器重連城價心澄古井波傳家衣鉢在袞
袞並儒科

翫麟陽司業作州如理家源流知有自悃悞信
无華方嘉身途遠俄驚暮景斜傷心傾蓋舊何
處望東嘉

太碩人潘氏挽詞葉尚書翥之母

玉映清心著壺彝閨房賓敬到奇眉豈惟山水
物高趣更為國家生好兒万口共推諸福備八
旬猶負一年期伯仁冬日在腸斷不見堂前舉

酒時

宗少文每遊山水往輒忘歸妻羅氏亦有
高情與少文協趣太宗賜張文定奇賢

母詔曰婆有福生得好兒為國家分憂
孺人曾氏挽詞葉寺正之室

婉孌在眉寿天胡弗與齡情深孫楚誅淡尽女
擎銘蘋藻空南澗芝蘭有謝庭越山埋壁處秋
雨濕銘旌

孺人陳氏挽詞周子及之母

教子推陶母相望百代前詩在經口授名節誦

家傳藝苑高鴻筆忠言徹細補流知有自何止父兄矣

金子齊年好相從識壺彝蕭生結綬日孟母卜鄰時未下升堂拜俄聞睚眦悲天涯致芻束淚落薤歌辭

孺人林氏挽詞盧彥德之室

家世甘泉舊出閨有令名矣明教陶侃勤苦佐淵明蘋澗念何處鳩桑空後情誰知悼亡意揮涕望佳城

石南康挽詞

挺石可轉恂衣不勝平生憂國志長夜讀書燈火易窺三古中庸進百能惜哉天不慙死後見川增

家有春秋學淵源更得師風高蓋公舍淚落蔡邕碑官早終難進才全竟弗施遺編屬賢子孝謹不名衰

伊昔為君御儒流賴主盟批經容後進傾蓋若平生坐見理黃壤空勞望赤城友朋相与泣衣袂不勝情

臧溫叟挽詞春卿

白首行逾恭，卿評敬此翁。心開上池水，氣襲舞
雩風。札貌諸公厚，聲華一瞬空。臧孫知有後，三
世著陰功。

城挽詞 梓

奕世承家學，諸公荐吏能。政傳花縣美，心與練
江澄。易簣去何遠，攀轅悲不勝。傷哉羸博葬，淚
尽老延陵。

戴縣丞挽詞 樟

蚤歲鄉書薦，弟兄羨君丹。奉上青冥蓋，田方欲
新漫壁處。士寧知却在星，忍向伯高將。束帛誰

從小戴授遺，徑往佳城得。卜真前定，忍看一翁衰
淚零。

姜總管挽詞 浩

及見開元盛，曾聞正始音。雕蟲徒壯歲，冠鵲豈
初心。倫多風生席，疏恩帶錫金。精神空滿腹，愁
絕病沈沈。

富盛俄遭變，艱難却起家。田園新活計，詩札旧
生涯。仙桂名傳秀，庭蘭更茁芽。真歸了无恨，超
徹妙蓮華。

胡監嶽挽詞 祇叙

賦就八文手文高三折肱青衫双鬓雪黄卷短
檠燈夢斷采芹水神婁下馬陵諸郎追五桂洗
眼看飛騰

余永彥挽詞

戶外諸生屢門前長者車柳袍空自染瓶粟竟
无儲隱行刑宗党清風照里閭沉冥誰為表賴
有子雲書

趙路鈐挽詞不枯

蚤歲游金闕霞冠拜紫宸可堪天室亂亂及見會
昌春宛々王孫態飄々物外身灵光愴陳迹遺

老更何人
諸父論交久忘年許與盟登山陪躡屐泛月共
飛觥來往開三徑安閑羨一生山深淒蕤露露愁
憶醉歌聲

今人王氏挽詞表兄陳左史之室

嫁早仍知孝夫夫自不貧多姑如事母憂物勝
憂身鳳誥恩榮渥鳩桑德意均孺哀聲不絕淚
栢不成春

宦達方資助家肥忽悼亡一區絡異室千載尚
高岡奉倩神犹慘安仁髮英欲蒼黃昏愁絕處誰

伴紫微郎

太淑人葉氏挽詞

侍郎愛之母

婦職躬蘋澗芳年誓柏舟壺彝全肅睦楚行極
清脩見葉開空性神篋豁病眸飄然指歸路淨
覲日西流

為國生賢子三遷倍母慈版典崇色養從橐勉
論思戲葬先萊子平反雋不疑孝心天固極腸
斷夢莪詩

從姑太令人挽詞

伯祖八賢女惟姑壽且康又聞歌薤露誰復覓

震光采藻空南澗生萱愴北堂平生好心地持
以遺堵郎

太恭人劉氏挽詞

王台州之母

籍甚成天助董然藹婦容家肥身愈約福倍札
彌恭上壽九開帙湛恩四受封何人紀遺德女
壻正乘龍

衛氏一兒足他人摠不如一麾欣義檄千騎擁
潘輿台嶽傷歸旒青山備送車佳城流慶遠旁
可万家居

蔣慈谿挽詞

伊昔丹丘去相逢意氣傾樓前巾子秀山下育
泉清敬梓情逾厚交梨論益明淒涼千古意潮
落又潮主
下筆欲生風磨礪日有功推敲詩益鍊駢櫬培
尤工經問南雷叟家傳十八公詞人堆可繼文
陣滑稽雄

吳大監挽詞飛英

庠校声名早朝廷譽望尊忠言如日皎笑語若
春溫四擁皇華節屢登金馬門用才終不盡流
慶在仍昆

曠典將行日南宮得舍人銓衡輕易地造化漫
勞神舊多堆能托交情我獨親吁嗟三昧手不
見掌絲綸

梁運使挽詞

風月詩千首煙霞宅一區三年著朝蹟一節債
身途南海瞻遺堞西門跛老巫才高不盡用无
地寄長吁

李撫州挽詞庚

典物初无忤臺評反謂傾麾符成漫任林壑寄
平生疏履嗟何晚揮犀空後情天台隔風浪无

地拜佳城

李下真无径 門前可設羅 詩如翰林逸 去似鄴侯多 奇字今誰問 遺編尚不磨 從來好哀挽 誰露恩與歌

蚤歲文声振 長沙見賈生 積薪看晚輩 推轂致名卿 予舍真連璧 生涯付短檠 風流今李漢 極口贊冰清

王遂安挽詞 時叙

淮水占王氏 生平熟義方 三珠欣競秀 兩桂蚤聯芳 才大用何畜 源深流自長 青氈傳令子 一

箭取雙鶴

學問自冰翁 詞章聳臣公 不慙循吏傳 真有古 人風 桐蠶在 猶在飛 裊迹 遽空人 琴悲子 敬三 讀愴深哀

趙提刑挽詞 子際

毓秀從天派 盱衡動至尊 使星方炳耀 卿月遽 侵昏已矣 悲吳館 誰歎護比門 慶源流未艾 文 獻藹諸孫

處事才游刃 論文辯繁花 英姿凜熊豹 健筆走 龍蛇 持橐身終外 垂車夢到家 平泉花木任 愁

絕舊生涯
客授早登龍襟期一笑同門清心似水論止氣
如虹逝問世
猶濕重來跡遂空无因送丹旒老
淚灑西風

李度支挽詞 嘉言

忽作堂去
去門前爵已羅夢隨
彈指斷了向蓋
棺多心繫六州鐵身傾千丈坡
暗晝夜哭柩
此敬姜何
孰匪同升素君於我最親詞章傳自舊翰墨快
枕新別去情逾篤歸來跡遽陳无從效經紀悲

結淚沾巾

安人鄭氏挽詞 木詹事為銘

勤儉佐家肥
猶存舉案眉
錦封俱被寵
鸞鑑可
勝悲謝砌
森群玉却林先
一枝木華文雋麗
德榮堂碑

王夫人挽詞 陳少南之室

叔質依名士
身期百不憂
藁砧家萬里
蓬首日
三秋陶母傳
遺業秘孤記
舊游函原誦
詩傳无
媿栢為舟

方運使挽詞有闕

聖主一見決孤忠自致身
身迹滿軀膽處可掇
皮真氣直老孫壯言高
用未伸留屯十二事公
論何淮民

祝通判挽詞錢

坦、曾无我休、蚤見幾虛舟
寧忤物抱豔自
忘機老去心逾壯
歸來多已非賞延推不及有
子尚家肥
花縣弦歌化蓮城水竹居
舊寮情義厚
此別信音疎不作三刀夢
空垂別駕車
新阡何處是東望
倍款戲

王武陵挽詞銖

胡虜久未殄功名誰与同
惟公負才氣遇多等
英雄井、清迹貫駸、有父風
惜哉天下慙遺恨渺无窮

攻媿先生文集卷之八十八

文獻先生文集卷之八十八

野梅子

英華

附錄

攻媿先生文集卷之八十九

四明樓

挽詞

袁府君挽詞文和叔之父

鑰大防

家學傳三世凡間先二世力行真勇猛進取故
舒徐前輩多遺墨先人祗故廬後來窺壑曠志
士為歎歎

坦々幽人履恂々長者言憂時見顏色不道竟
丘園隱行推同氣高賢萃一門四明耆舊傳地
日數諸袁

朱婺州挽詞安國

治行古循吏風稜真諫官
鋤姦清遠徼持重息
羣謹久弄趙堯印重彈
貞禹冠去天才尺五惜
不見長安

莫銅陵挽詞堂

經學高餘子躬行慕古人
儒風三葉秀和氣一
門春台嶺漸摩久銅官
抚字均庠東亡二老疑
望倍沾巾

張泰州挽詞札本

燕趙多奇士如公名不虛
胸中九域志筆底百

家書報國心尤壯
籌邊智有餘功名竟
奇恨西望倍歎歎

周路分挽詞喪臣

蚤負功名志從戎豈素心
治軍先肅靖游藝亦
精深湖海間豪氣雲天
廓象襟高門尚餘慶蘭
玉正森

台嶺論文契天街惜別離
飛能幾到埋碑處
成悲旧壤歸樵句愁有
結局詩紫髯无復夢空
有淚交頤

在丹丘時探梅浮江李史君有樵字韻詩

公和篇最工云却從谷口問歸樵

彭宣義挽詞汝知子復父

種德不在大至城天所新但能存一念何用活
千人經筵儒風遠香山句法新功名付兒輩不
必在吾身

籍甚清湘守脩名所在聞宦途資畏交家訓仰
度君歸路飛丹旆長空慘白雲生芻不成奠揮
涕想江濱

沈朝奉挽詞雲章且之父

相業富青箱丁年稔義方生兒有如此与世遂

相忘終老三牲養凌晨一炷香浮休了无恨流
慶尚深長

石通直挽詞莊問純度之父

籍甚新昌族真成萬石家源流端有自悃悞更
无華奉職冰同潔持身璧不瑕慶門傳未艾蘭
玉茁新芽

王檢正挽詞

到家稱循吏星軺復郡侯威名致降虜恩信感
亡牛省闈主公塚祠庭尋舊游善人天不慙愁
絕峴湖秋

客授蒙傾蓋朝參嘉綴班開藩才一水去國遂
平山晚遇名方重言歸髮未斑功名付諸子貪
笑謝塵寰

張欽州挽詞舟之

少誦東窓句從君見典刑義襟希實十才刃比
庖丁古鏡悲鸞偶寒原愴春令恂守家法蘭
玉滿階庭
游宦二毛侵欽山繼鬱林精神雖滿腹抚字亦
勞心膚使章交上雌堂疾遽深護喪嗟季子又
後喪清潯

姻好自諧馮東床取何戎平時深念我晚歲忍
銘公本字今猶濕心斯誰与同回頭三士載灑
涕向西風

陸郎中挽詞洗

壯歲醜雙捷衰年困百罹肉身心佛子霜髮貌
嬰兒萬子幾樽酒百年千首詩浮生成夢覺吾
道竟何之

從弟忝東床相從二十霜人琴一何苦冰玉兩
俱傷別久成今昔歸來失老蒼稽陰終反葬西
望倍淒涼

齊國夫人曹氏挽詞 趙知宗之母

痛突王孫去南來萬里餘解衣催艇子扶杖擁
籃輿已矣空鸞鏡誰歟得鴈去辛勤立門戶地
下勿款戲

宗子今曾子夫人古敬姜邛邛承孝養洛水刻
恩章湯沐封逾寵芝蘭晚更芳九齡天報遠餘
慶尚流光

信國夫人秦氏挽詞 林子長之母

夫人富貴出懷綢釋配和鳴得仲卿鸞語蚤能
封大國魚軒不及伴雙旌肥家得法晚无倦教

子登科新有聲難息南路未成屋鳳凰山下啓
佳城

王夫人挽詞 羅尚書外祖母

婦德勝賢士娶居成大家陰功且有後餘慶尚
無涯楊憚出司馬陶潛博孟嘉文昌紀遺範外
氏倍增華

恭人強氏挽詞 曾南仲之母

祠部源流遠來嬪曲阜孫事夫終婦道訓子大
吾門頌詒恩光渥并堂笑語温相期送丹旒焉
鬢近周原

恭人董氏挽詞 刘侍郎穎之母

敬饁尊夫子升堂乳阿姑鄉評推至行家慶展
新图半世悲鸞舞拜高年乘鳳雛密章在末艾卿
月映階符

恭人胡氏挽詞 陳奉直千能之室

懿行表閨房清親共尽傷繡衣來宅相彤管著
銘章蘋澗誰供祀藁砧空悼亡芝蘭俱秀發所恨
失元方

時參議外生劉提舉誠之為作銘因
行即送其葬先喪其長子

趙司戶挽詞 秀夫

奕奕佳公子詞場早策勲願為新進士終屈病
參軍舊事成清夢高標想斷雲傷心桑落酒无
復到孤墳

王大卿挽詞 正巳

少壯節先著年侵氣不衰忠雖曲父教清亦畏
人知處世无求合安時竟數奇甘泉人物會一
老漢空遺

麾節東南半澄清冠一時權與周翰傳項踵阜
陵知自謂二宜去人稱三不欺卷懷終未盡流

慶稱家兒

圖史但環堵江湖幾問津雖多暮年樂誰忍半
生貧海內清名滿毫端秀句新風流嗟頓盡晉
韻更何人

老去王摩詰歸來道更金賸添天美祿真得地
行仙日欲增三徑君胡欠百年桃源不無路重
上慘風煙

上世總儒先猶傳夢雪篇惟應佳婿選可配老
姑賢父行偏知我交情不問年槁梧誰共語愁
斷伯牙絃

徐少卿挽詞 子寅

聖主一言寤長淮千耦耕山川皆在日草木尚
知名益被腰金寵徒為攬轡行諸郎袞餘慶定
自不慙卿
所至多遺愛丹丘最有聲奉常千載久攀戀一
城傾已恨數離別寧知隔死生湖邊日門巷一
到一心驚

陸提刑挽詞 沈

數馬謙恭甚揮犀色笑溫風流士龍裔文來左
丞孫晚業成三徑身胡遽九原素欽仁者勇大

獄竟平反
早歲擅詞場吏途列鴈行一麾分楚甸雙節照
江鄉蓮社容寒晚葭葦按老蒼八句俱已矣回
首倍淒涼

史毅文挽詞 弥正

八行諸孫盛三公嗣子賢連收四鶚薦祇欠一
青氈卽省刑章肅侯邦政舉傳平生憂國意齊
志入重泉
學問源流遠染哉賢父兄人琴亡舊曲風火愴
寒声深痛哉成毀沉疴沆喪生孝恭无可憾猶

得傍佳城
少小相從久自慙雖甲辰交情日加厚姻好晚
逾親別去驚葭律歸來見棘人西莊行樂地望
斷為沾巾

寧海劉君挽詞 次阜之父

不識紫芝眉空傳有道碑義方真可法閭室肯
容欺未覓山川改深明晝夜知雍歌慙不稱蒙
子素能詩

丁寺丞挽詞 允元

家世傳經術膠庠藹雋声上方思舊學公乃擅

專城滁上功尤著
潮陽政愈明
衰哉鶚流水
猶解不平鳴
嚴冷不可向
其中實曠然
行藏揆素志
燕樂了餘年
鶴化人何處
鸞影自憐才
高不尽用流
慶尚綿綿

曹工部挽詞

箕穎文章士
儀同社稷功
惟公承慶裔
有意振家風
祠祿真崇道
卽潛歎老馮
傷心循吏午
春志九原中
宦達推公早
丁年備皂衣
幾為銅虎去
終向石

橋歸齊國世臣少
正元朝士飾松風
談笑地回首
恪獻

范致政挽詞

義俠久無迹
吾鄉見此翁
紫微欣稅駕
飛將許同功
銀齒醵恩渥
金蘭藹義風
雖增羸博恨
猶喜柱成叢
酒後昇平曲
閣中安樂窩
千金曾累致
一醉竟無何
老驥志空在
孤鸞悲亦多
相望方歲許
託體共山河

王規國挽詞

晚識三珠樹方知
獨笑翁舊游虧
半面遺恨想
高風小楷墨猶濕
殘膏澤未窮
梅花縞寒夜埋
壁中香中

高端叔挽詞元之

百氏極旁搜
潛心老不休
鄰光時自照
簞食孰
堪憂
弟子多藍綬
先生竟白頭
淒涼數間屋
知我獨春秋
鐵石賦梅花
開情白玉瑕
兩公終磊落
千載致
誼諱清節
成現偉浮詞
尚蘼茅君看
死生際不
見一毫差

滿卷愛離騷
歐公一素袍
豈惟將厚意
要使匄
殘膏宿草成
千古生芻為
一號
雖无韓子諫
貞曜本來高

此是乃後人割列衣衣并下為卷

玫瑰先生文集卷之八十九

文選卷之九

謝全表高

謝全表高
謝全表高
謝全表高
謝全表高
謝全表高
謝全表高
謝全表高
謝全表高
謝全表高
謝全表高

玫瑰先生文集卷第九十

四明樓

鑰天防

挽詞

錢江陰挽詞必

庚嶺梅花暖賢侯惠愛深精神雖滿腹
挽字亦
勞心九轉竟難遇二毛何處侵傷
我東逝水无
復大江陰
前知南安軍移知江陰

客授向東歐君為郡督郵豈惟察契篤更喜吏
才優每嘆頻年別俄驚一夢休虞山湫何許淚
落不能收

李剛定挽詞 叔益

積善務增厚 求名惟恐多
白圭寧有玷 古井竟無波
塚法資修定 益州極揣摩
佳兒傳素業 留眼看巍科
冰玉心相照 誰去內舉私
深居先浪出 清節是人知
尚憶紫芝字 先慙有道碑
填空兩黃葉 西望不勝悲

趙左司挽詞 鞏

行誼高餘子 文章自一家
嶽神均客礼 敵國歎才華
直節曾无苦 全瑜更不瑕
儒流有遺恨 不

方與化挽詞 叔珪

廟之著靴 鬼夢中言更
明起家尤感勵 為吏極
廉平薦口聲 名重朝行去
就輕奏篇真確 論何
日遂施行

鴈塔深論契 鶴班試著行
參止聞易簣 越予後
除喪支郡難 留鄧佳城久
夢方吁嗟德浮位 回
施典諸郎

寧海駱君挽詞 季友

古易人皆學 惟君志益堅
研朱滴秋露 讀簡斷
韋編空谷甘 无用佳兒尚
有傳清風 誰得似胸

滿卧味前

朱坡史居士挽詞

巖邑富人物才惟史氏多流傳有丹桂遺逸歎
朱坡學飽終難售詩成祇自哦空餘身本在令
子挹餘波

交友俱名士儀曹禮意周使華臨夏口詩興共
南樓喜得江山助還同汗漫游更煩賢宅相
典癸潛函

劉吏部挽詞

總角異羣兒庭趨蚤學詩一鳴登桂籍百里靜

潢池所至清民瘼平生號吏師即闡方進用何
乃棄明時

剽劇最雲間題輿上越山洞進上澤遠瘦嶺使
星還中道趨臺治名曹切近班陰功多反物陽
報看循環

誰擾奚山衆焚林獸已窮徒薪能遠慮下瀨得
深攻南嶠存隨息中朝論愈公但知分謗喜寧
肯自論功

兄長典慈恩相親色笑温公方持使節余忝代
王言共約游三徑俄悲作九原佳城隔風浪丹

旆槍飛翻

戴縣丞挽詞

小戴久僊去何堪更笑君舊游驚昨夢陳迹愴
遺文晚暮期相與死生俄遽分銘成媿替德揮
涕望新墳

高士終為簿豈惟句小稽鸞凰雖在棘桃李自
成蹊官府資閑決儒流仰品題定知餘慶遠遺
愛滿雙谿

王提刑挽詞正切

廉白真家法原由金紫賢尤辭嶺南賸弟卻澧

陽錢築屋吾將老藏書手自編老成俄已矣聞
者為潸然

籍甚青箱學醇手赤子心片言皆可復一偽不
容侵處事幾游刃論文欲斷金諸郎傳素業桂
子看成林

二廣外臺首威稜著一門志期諸郡肅忍見匹
夫寬奪擊猶鷹鷂具詭有兔爰投聞了無恨此
意與誰論

伯仲三珠樹優為一世才人琴先起恨金玉遂
俱摧南阮方深痛阿連尤可哀桃花源上路老

眼更堪開

鄭華文挽詞君容

蚤擅春秋學賢閨第一流少公清澤國贊府著
神州試邑人文薦還朝譽更優如何急流退不
一使上瀛洲

籍甚何山政兒童識貴溫歡謠聞魏闕殊寵鎮
吳門就養家傳子休官澤及孫吾鄉耆舊傳千

載德弥尊

兄弟忝同登論文最有情頽波知勁節徹底歎
真清正尔尋姻好胡然衰老成抱疴難執佛揮

涕望佳城

姜鍾離挽詞柄

門戶期具起交朋務琢磨反身求大學決意取
儒科贊府聲尤著鄰封惠亦多傷心濠上路無
復聽弦歌

伊來

別去期三載俾未痛一書死生誠大矣力量果
何如平日真知我遺言苦問予作銘雖
首倍款啟

顧養直挽詞義剛

萬頃東湖下魯門起大家子孫昌世業文字作

生涯堂後豈猶樹庭中桂欲華惜哉時不待誰
忍送悲加
舊向君家去且齊屢舉觴人哀誦諸顧里不見
他揚身世驚春暮湖山愴夕陽園林未成趣鷗
鷺亦淒涼

孫子才挽詞

身後名何用人止意愈深蓋棺悲昨夢掛劍答
初心潛德仍能發遺言尚可尋悼元情更切接
隴柏森森
潘安仁懷舊賦既與暮於戴侯亦悼元而

哀嗣墳壘以接隴柏森森以攢植元謂道元
揚戴侯之子也

俞通判挽詞

強仕賦歸去頻年亦漫行宦情雖淡泊官事極
精明贊畫王公幕監州西父城佳兒守遺訓清
白勝金蓋
象邑推三俊靈光賴此賢老成俄已矣遠迹為
潛然孝敬心何極公平錄尚傳佳城隔風浪忍
賦薤歌篇

求參議挽詞子紹

系世朱陳舊宦游多向鄞飛鳥觀政美展驥愈
情親以草歸田賦欣迎八幕賓斯人忽千古望
斷刻溪濱
玉立期清責厖眉望壽齡父兄嗟奄忽姊妹亦
凋零厚德今誰在佳城慘欲扃孫曾聞競奕蘭
玉在階庭

魏郎中挽詞熊夢

相公鍾鼎蔽詩聲鯉也聞詩蚤得名高隱碧谿
心更遠今游湘浦句尤清握蘭未足酬吾志攬
轡寧知老此行今日哭君誰最切山房門下老

門生

宋南雄挽詞佺

二宋久云遠遺風君庶幾才華試大職政譽藹
玉歲梅嶺方勝最靈谿俄賦歸情親今已矣先
淚不勝揮

莫子執挽詞珪

樂有父兄賢談經絳帳前桂林孤素志芹泮老
遺編小阮情何切童烏叢未傳棹間最崇篤口
口話齊年

繆伯恭挽詞

我實由江出垂髫托外門非惟拜先德猶及見
新婚謹厚推鄉曲恩慈篤弟昆善人今已矣餘
慶在兒孫

朱南劍挽詞

再世文章伯三朝侍從臣傳家推篤學游宦肯
謀身別駕歌章水甘棠想劍津虛堂兩遺像誰
不信傷神

朔望第一客巡察意更親有詩欣和韻不飲嘉
娛賓名帖藏中古珍茶試早春據鞍猶矍鑠何
遽迄成陳

其戰久不對詩盟亦寢寒方期會真率乃尔變
悲歡歲晚本无憾情深那忍看佳城何處是東
望涕混瀾

盛夫人挽詞

婉孌閨中秀清高林下風相夫能尽礼教子使
移忠迹郡官无曠都城券得終壺爨今其在流
慶後何穷

宜人史氏挽詞

閔閔冠三朝尊公兩珥貂夫矣能盡礼蒙貴肯
期驕教子門風振澄神性地超悼亡无可憾直

筆付孫樵

太令人軒氏挽詞 趙山甫母自號竟菴居士

緣斷身先隱年侵髮未華死生猶曉夢富貴更
空花佛祖親提印兒孫競起家死因拜灵几一
奠趙州茶

舊說蘇無著夫人亦正宗毒蛇橫在路栗棘更
無蹤蕭散超塵界扶持礼紺容竟庵堆嗣法別
去德雲峯

無著贊臨濟宗旨云 一條毒蛇橫在路
上竟庵云栗棘蓬栗棘蓬一口吞却更无蹤

且人開人氏挽詞 趙嬰州之室

四郡歌矣牧魚軒從隼旂深閨无裏謁也恭謹
安輿故里称家法諸郎讀父志美哉彤史筆三
誦為款獻

太孺人蒋氏挽詞

之死靡他志天乎不諒人娶孤蓬在首艱苦棘
咸薪晚福客千指心空滅六塵平生貞烈意終
作坐忘身

澗屋惟纯儉居然法度循松楸先壑卜風月舊
湖濱子婦皆知孝孫曾亦可人浦江如可贖真

欲百其身

百四從妹挽詞

姊妹二十四凋零餘二人他鄉忽傳訃老子倍
傷神已歎發居久何堪逆境類佳城千里外西
望淚沾巾

孝券全終始真成乳阿姑衾桐九年共甘毳四
時須衆子俱傳業諸孫足自娛吾家女兄弟似
此亦几無

去歲桐川弟新從姊處物備言家慶多犹著嫁
時衣尚欲尋松社寧堪哭素輝人生真一夢回

首事皆非

蘇江陰挽詞十能

萬卷蟠胸次千篇秀筆端朝行期奮迅美路竟
艱難雖號循良守久為文字官遺編幸无恙田
與後人看

伊昔初傾蓋搗文已甚工親聞南澗語謂有魏
公風既往言多驗歸來道更窮誨言非教後
裔報且豐

趙縣丞挽詞彦宗

玉立佳公子哦松始成瓜奉
飭邊瓊寸畫

江沙慷慨志憂國清修僧在家送行詩尚濕身
世遠宜華

鮑潮州挽詞

三試背前列一官何後時低徊廣文舍齟齬使
君麾遇事有如燭衛生寧及葵舊游成隔世流
涕讀新碑
客授壬辰歲魏科盛永嘉芹宮屢揮塵竹院幾
烹茶假守深交垣清談吸道家恍惚郡齋晚群
雀噪簷蛇

張運使挽詞孝仲

惠周劍外典淮南歸卧空山且避諛宴坐几年
期不死臨行一著信非九不友杜入東高閣真
使謝鯤居石巖欲向西陵尋宿草秋風何日送
歸帆

張工部挽詞李樛

忠簡博清白家声屬弟昂惟公殿堵老積善見
多孫兩桂昌書種双椿藹慶門壽終无可憾况
有典刑存
壯歲登郎省旌麾歷五州仁声號循吏治行最
諸侯憂國言多切筹边慮更周積薪无恨均王終

老得夷犹
勅局同寅舊
雌堂屢肯过
故人今有几
朝士更
无多問信
亦犹湿相望
髮已皓忽聞
埋璧痛薤
露不成歌

戴迪功挽詞 五九

犹記天街会同為乳竇游姻家頻會聚親意愈
綢繆吉德且多寿竒病竟不瘳无由見安道訊
雪悵回舟
好學數仍竒躬行家遂肥時將詩自樂晚悟世
俱非教子惟黃卷高明看綠衣阿連悲朱泚无

淚為君揮

且人楊氏挽詞 鄭華文之室

里閑依楊氏年家託
鄭門升堂從壯歲
捧塔得賢孫
婦德像中壺
陰功燕後昆
大憐吾女子
流涕說慈尊

夢入粉榆杜心游
水竹亭与歸期拜
壽迤侍望承顏一
昨聞微恙寧知竟
大还佳城无路到
夫婦淚俱潜

孺人錢氏挽詞 丞相之女適曹氏

家世戟如林
素嬪藹德音
功容俱可度
疾疹遽

相侵已矣空蘋澗誰教勛業砧佳兒隨至折尤
切悼止心

齊安郡夫人金氏挽詞趙左司公碩之室
避地供湯餅當筵接編衣倉皇奉神版歲陰遜
征驛遇多智尤敏相夫家寢肥考終无可憾蝶
夢遶芳菲

五子俱英發尤知仲氏美勤明真世濟康儉信
家傳別乘徑為郡高城欲捍邊版輿俄弃卷事
業待他年

太令人趙氏挽詞王帥抚之母

今德比鳴鳩芳年誓柏舟承平犹有態曠達了
无憂方奉平反笑俄成汗漫游哀榮誰得似回
穴樂哉丘

節愍名驚代淳光孝絕人宜生克家子賴有斷
机親勉使方張虜終能不帝秦一栝扶上馬孰
不為沾巾

姻娅託三槐同朝得往來迎春煇設席奉壽荷
携杯京尹俄遭難都人乞助哀琅、垂絕語烈
婦信高哉

挽詞別藁

安恭皇后挽詞

天佑周文合禘榆礼可覩屢陪金輦幸几奉至
危歡吳女簪新柰梁房掩旧蘭春深蠶多起誰
後上桑壇

鬱、南山路傷心鳳翼紅哀歌凄蕤露秘殿掩
椒風故劍恩虽厚中璫多已空但餘彤史筆内
傳紀陰功

同前

玉勝標祥兆禕衣配至尊柔儀高馬鄧盛德邁
娥媯膏掖空陳迹寬軒服厚恩傷心臨七夕素

柰已花繁

圖史懷規鑿篇章妙剪裁承欢方秘殿委化已
泉臺幽壤湖濱秀清笳日暮哀未央當月望不
見翟車来

楊武恭王挽詞存中

歷數中興將誰为第一功兩朝忠衛上四海雅
推公富貴无危溢哀荣有始终吾知尚遺恨不
見朔庭空
勇氣真虓虎仁心劇放麈推鋒多折馘解縛屢
招携細柳門空閉長楊馬不嘶夜深星忽堕土何

處問撐犁

同前

父祖成完節丹心激懦天枕戈臯逆虜扶劔志
伊吾忠孝公何魏哀榮世所死從今紫荷纒接
武上亨衢

王爵報元勳臨危更致身鯨波飛戰艦狼子歎
江神木落淮南暮塵清塞外春功臣誰第一圖
畫在麒麟

陳文恭公挽詞 康伯

唐虞千載道重光奕々死臣任贊襄謝傳風流

冠江左晉公威譽比汾陽折衝曾不勞声色輔
政惟先振紀綱天意高々誰可問坐令邦國歎
云亡

德量汪々萬頃波直將去就佩安危干戈雖在
相尋日休沐宛如無事時奏罷未聞宮漏轉歸
來俄見哲人萎哀榮終始誰能及百世旌忠頌
德碑

同前

輔贊藏諸用庸人自擾之惟公知好靜與物尽
忘私德理儀群辟威名愴遠夷傷心白雉高梁

未有餘悲
致主唐虞上東山志不渝衮衣重入覲胡騎敢
長驅夢已高楹真朝犹漢殿趨衰榮極終始何
止渡江無

何內翰挽詞溥

豪奪錦標天下聞慨然有志整乾坤諫坡論多
言皆合帝幄談經道益尊千古高文在鰲禁一
時名士上龍門經綸未究身先死痛惜誰能作
九原

姜祕監挽詞師仲

文筆無勞巧剪裁一時妙斲冠蘭臺王楊仕宦
曾相接游夏淵源有自來治獄心知有隨德立
朝人嘆有餘才功名回施典孫子公亦何為不
務我
久聞政績最淮淝鄭嶺循良親見之梓里尚遺
前日愛棠陰還長舊年杖鉤璜方兆非熊卜曳
杖俄具梁未悲千里佳城空望斷他時啼哭
峴山碑

許待制挽詞尹

吏事緣儒術人材第一流宦游幾五紀遺愛滿

諸州叱馭元長阪笮迹有舊樓遺安陰德在衮
衮見公侯

蚤擅文章價名公屢品題碑銘摹諫省丘壑訪
愚溪得句追飛兔搗毫走怒猊遺練聞好在後
學仰登歸

同前

千載更麾節陽春萬里同時逢蜀士一話
丈翁到處留遺愛諸郎守教忠慶源知未艾往
日有陰功

唐舍人挽詞闕

鴈塔名三世螭蚺侍九重循儀學館謬著
囊封至性悲三釜高懷薄萬鍾典刑傷不見衰
涕忽元從
夷路方馳轡甘泉喜問津廟廊平日志露電百
年身插掌雖多恨為箕自有人癸棠陰德在陽
報質蒼旻

李公執挽詞

乃翁志欲卧煙霞宅祀清江欲泛槎心地共知
客渤澥慶竟曾不到京華伯魚久已聞貧訓魏
子端能起外家瀛望三江梁下水隴西德澤信

無涯
未甘辛苦去朝天故作逍遙地上仙老子平生萬
事足人間五福一身全厭看日月同奔驥擺
脫塵煩等蜣蟬重到江頭人不曉風吹衰淚忽
潸然

呂崇德挽詞畫問

剗劇推才刃臨機妙斷輪傳家得清白滿腹是
精神未上金閨籍空留花縣春善人陽報在蘭
玉正詵
回首情親處相過瀨水陽十年能幾見一疾痛

云亡縣郭山空秀家園橘自霜主人今已矣鷗
鷺赤淒涼

此類為後人分刻之并下卷

沈氏先生文集卷之六十一

沈氏先生文集卷之六十一

挽詞

四明樓

鑰火防

王縣尉挽詞彥正

幹盡恢才刃誰能負殖私人皆競毫髮我獨被
藩籬風雨空殘夢池臺愴昔時杖輿臨穴處行
道亦興悲

同前

潤屋公餘事能為人所難夢我遺恨在夜雨舊
盟寒家有書堪讀囊无錢為看情親悲不那望
絕旄飛丹

潘大卿挽詞

直上青雲不作難
壯年何事掛衣冠
功名已矣
乘時望風節
翹然見歲寒
鴻去冥冥
縉不到
蝶飛栩栩
夢驚殘
傷心耆老
今無有
留得遺編
向後看

樊運使挽詞光遠

妙齡便有老成風
孝友丹心天與通
師友淵源
得西洛文章聲價冠
南宮固知夫子才
難用猶喜先生道不窮
他日鳳泉山下路
幾人下馬拜
塋中

樊侯勳德佐中興
百世兒孫尚典刑
闔境民蘇
御史兩列城人仰
使君星憲臺嚴冷
獨裁身道院清閑
誰掣銓謠頌洋洋
在人耳不須藥石更刊銘

同前

科目公餘事
南宮第一人
七閩新使節
三署舊儒臣
倦拜方辭餽
哀良莫贖身
家聲知有繼
仙桂兩枝春
橫浦云亡後
斯文付此賢
命其隨道喪
學又絕
心傳河洛湮
來派西州憶
舊緣傷心耆老
盡揮

淚對霜天

莫將仕挽詞隨

自歎清才久陸沉晚從內典用工深諦觀烟
死生際寧復紛紛利祿心載酒今誰問奇字遺
經古亦勝黃金十年契闊遽如許老淚臨風自
不禁

伍主簿挽詞景善

好賢元不減緇衣客到公家如所歸二浙聲名
三鶚薦四山風物一軍飛桑榆冉身先旣蘭
玉森森家正肥人有百身寧可贖發棠誰復濟

齊餞

同前

由來風誼獨穹然坐享家肥不計年墮情何妨
分百萬指園寧復問三千靈椿克矣仁宜壽玉
樹種成身已仙衮衮公侯殊未已正應含笑入
重泉

晚年朋舊益彫零歎絕斯人莫兩楹不忘嚙悲
讀佳傳可堪回首念平生交情君獨全終始人
物誰能繼老成清此楚魂招不得朔風凄切淚
縱橫

梁審計挽詞

李琦

壯歲嶄頭角
夷塗試著鞭
羣公爭倒屣
諸老亦忘年
論議傾期譽
功名短世緣
神傷賢伯仲
風雨夜無眠
壽夭固難問
吁嗟不忍言
嬰啼摧玉樹
衰淚灑芳萱
事契深羣聖
英才愴九原
悲吟慙楚此
無地與招魂

太淑人管氏挽詞

彤史久不作
誰能有婦功
寧知貴家子
乃有昔人風
鈿軸恩何溥
芝庭澤不窮
死生無可憾
况

已悟真空

陳夫人挽詞

程吏部之母

作配知名士
周旋內則為
宜家兼四德
訓子見三遷
就養榮方建
歸寧病忽纏
慶源流未已
佳兆得牛賦

陸參議挽詞

中外衣冠盛
流傳歲後凋
聲名三語掾
身世半僧寮
竇晉尤逸坡
仙隱可招梅
溪殘月望荒
沒舊風標
歸吏先儒雅
低徊五十霜
雀蒲掃韶石
桑柘滿

黃岡知己平津老傳家刑定即八龍无半在夙
雨夜侵床

李堯卿挽詞唐佐

里社久相從知君陰有刃救人多藥喜持論耻
雷同素業諸郎在浮生一夢空淒涼定清傳健
筆媿河東

周左司挽詞

從政心無媿敢言人所難精忠憂世切清節照
人寒友臂失持索乞身終考槃老成今已矣西
望涕沈瀾

乙丑慈恩會今幾六十年霜輶車來握節相府記
傳觴詩藪懷高隱郵筒見藁章不堪千里隔丹
旌想飛揚

王夷仲夫人挽詞

彤史無人續誰能識壺彛蘋藻奉先祖詩礼付
佳兒未見魚軒樂俄興鸞鏡悲棠砧方得路腸
斷悼亡詩

陳夫人挽詞

族姓甲休陽夫人懿範彰奇男已南省快婿更
東床珍錄人加嘆佳城神所藏平生陰德在餘

慶尚難量

雅有幽閒操來嬪清白家相夫全礼教見子致
清華方享乘軒樂俄興陟此嗟誰將彤史紀大
筆為推誇

茅夫人挽詞 鄭貴虛之母

清心玉映許誰同更有飄飄林下風政爾高情
協宗老故宜嘉跡樂龐公遠謀蚤識身為重晚
境還知惟亦空已擬張林碑婦德合歸躬史臣
編中

張夫人挽詞 余元老之母

婦德天然備肥家五十年平生勤內明晚歲識
真詮倒廩非徼福翻經亦應緣于門有孫子佳
氣藹新阡

王修撰挽詞

十載頻褰刺史姓名卿風裁映紳綏慶門共仰
聯三鳳禁路咸嗟欠一夔神武衣冠終遂志平
泉花木總成詩傷心積翠樓前月斜入欄干欲
向誰

賤子何能直一錢夫君於我獨知憐樽罍談笑
幾侵夜琴劍周旋不計年此去空懸徐孺榻重

來無復孝廉船百身願贖嗟何及哀涕滿襟如
送泉

玫瑰先生文集卷第九十一

玫瑰先生文集卷第九十一

四明樓

鑄大坊

行狀

此妣安康郡太夫人行狀

此妣姓汪氏諱慧通字正昶明之鄞人曾祖元
吉不仕祖洙明州助教索贈正奉大夫父母温
左朝議大夫仕為太府少卿直顯謨閣索贈少
師妣恭人王氏索贈越國夫人明今為慶元府
此妣生於大觀四年歲在庚寅五月八日少師
長女也先君諱瓊曾以軍器監丞兼權尚書工

部郎官知處州終朝議大夫紫贈銀青光祿大夫先君之祖諱常朝議大夫紫贈銀青光祿大夫父諱昇徽猷閣直學士朝議大夫紫贈少師兩家少師實為中表金紫元龜時始命締婚年十九而歸于我紹興十六年封孺人二十三年封安人二十八季封宜人乾道三年封恭人淳熙九年十二月先君捐館十二年某後知祀恩封太令人十三年高宗慶霈封太碩人紹熙五年口聖皇太后慶壽恩封太淑人慶元五年光宗聖體清安天子行慶手下封信安郡

太夫人六年明堂思進封大寧郡嘉泰三年却禮進封安康郡不及拜四年正月癸酉以疾薨于畫錦坊之第室享年九十有五子九大錫右迪功郎徽州績谿縣尉錫承儀即權祭遣嚴州軍州事某顯模閣直學士通議大夫提舉江州太平興國營鉉登仕郎鏘奉議郎知福州永福縣事錙文林郎監淮東總領所鎮江府太平惠民局兼戶部大軍倉銘鏗迪功郎温州司理參軍錡女二人蚤大孫三十二人珮深迪功郎新泰州海陵縣尉淑滌漳從政郎紹興府正虞縣

承濛瀟從政卽紹興府嵒縣丞泐涿涿濛涿涿
渠凍治承務卽況漁淞淞淞淞淞淞淞淞淞淞
涇涇涇女十二人長適蔣与求次適承奉卽知
紹興府餘姚縣蔣綸次適孫仁再適奉直大夫
主管建寧府武夷山冲佑觀朱軾次適伍璿次
適戴模再適迪功卽紹興府新昌縣尉兼主簿
孫逢吉次適儒林卽添差建康軍節度推官趙
師潯次適何沫次適馮廣次適迪功卽新温州
瑞安縣主簿王裴次適將仕卽鄭圭二未行曾
孫男十六人棟機杓登仕卽械枝樾樾格枚札

桔槔棟杓柯怪女十人第二人第三人閨之弟
四人許適陳篚餘在室二兄及鉅鏘淑濛棟弟
二弟六弟八孫女皆先卒先君葬于奉化縣金
鍾之原將以十二月丙申奉止妣之喪合焉止
妣幼而敏悟五歲從外社教授惟州歷之能道
河朔所見及邊上風物騎射之詳日在親側凡
箋書往來皆能記其人之名字親庭或有遺忘
問之如響將嫁外祖曰吾之紺珠往矣數歲已
能作家書越因美明日授詩語教以裁剪紉縫
纂組之類不待習而工平正端整皆可為法外

祖為王府贊讀虜犯京師事定推乃家南京以歸
亡妣及笄歿其遭亂散失餘又壞於漏舟不以
為對也先君自少清介亡妣實為合德事李氏
姑及伯父伯母如公姑之禮晚練世故謙抑遜
順被服寒素內外交稱之先祖有幼女亡妣愛
育如妹隨事教飭箱篋直與共之為擇良配遂
歸王公正已任至太府卿與之偕老王公之父
提奉時方宰長吳而外祖知湖州挈往郡治相
與為結縭之助罄所有以送之王氏初得美婦
致謝再三是時亡妣年才三十有七祇此一節

過人遠矣自余同先君宦游內助廡平言不出
閨或有觸怒必勸使從寬有所饋予必贊令從
厚故廡既燼於兵火先君仕不加進生計日削
多寓外家亡妣因得晨昏定省之敬二舅出
仕參理家務士下勸服既遂終養執哀盡禮自
以不逮事舅姑歲時祭祀蠲潔誠至必躬必親
晚雖分命子婦猶臨視之先君乳母劉氏本中
原人忠愛子孫亡妣待之甚厚卒老子家又以
亡姑王人死後春秋皆預饗焉節序薦新未始
少廢竣事飲福必款家人俱集髻齒不遺莫年

髮不勝冠或功累以烏紗則曰非所以為禮也
謹守家法至于終身澹於榮利素不蓄財有則
緣手而盡不喜為時世粧冲靚雅正无珠璣之
侈飲食有節靡務精鑿每言避虜時僅以澗水
進脫粟飯有饋以豆豉者其甘如飴今日所享
不翅足矣篤於教子至質貸以供束脩諸子粗
有成立或問何以為訓曰平生不曾對兒輩出
一不義語故薰染至此耳一視九子无嫡庶之
間方授室時時家之有无以為豐殺平心處之
自无間言其遣嫁女孫亦然女孫有嫁及遠適

者多誦比方安夫人之詩有曰女長終為婦親
邊不是家睦嫻存古訓勸古是生涯之句以勉
之先君有再從弟妹幼孤无依取而育之此
為畢其昏嫁其也解衣以為助者不能悉書也
喜周人之急家藏奪命丹祕方歲營珍劑以為
施治疾起死甚多先君在烏鎮時友婿陳公膏
已自御史貳外府亡妣每聞有除日則為女弟
贊喜遣賀惟恐後无分豪羨慕及歆然之意少
卿忽下世輕舟入都以慰之其達識類此嘗在
親戚家聞從子過省之報喜不自勝坐中以為

夫人之子也問得其詳嗜曰心地乃介邪先君
壽終固已難堪未半載而嚴州兄又以毀卒亡
妣年已高皆憂其不能處而曠度了達晝夜之
哭哀至若不可解哭已則自次豁然起居必改
其度人尤以為難某守永嘉迎侍為八十之慶
暇時領婦孫周行郡圃不假扶掖搨黃甘以分
啗略无衰相某亦仰体慈訓不敢以嚴苛臨民
在後省嘗以封駁久不訣跪以告曰朝夕且得
嚴譴恐一有斥逐徒驚尊抱莫若先歸故里脫
不可逃寧身當之也妣曰我尔念歸久矣尽堂

為之東下嗣歲復來特仕者聞自引去祠列或
謂某曰子有親老可明告子朝使子弟奉以歸
非它人比也某亦以告亡妣曰吾兩陷圍城中
還鄉人脫虜厄以是知死生真有定分在此則
猶知事宜外方傳聞多通徒乱人意某竦而承
命不敢復請闈者死不歎服某自吏部尚書謀
補外亡妣聞之日可去即去母以祿位馬累也
既歸見親黨道舊故甚自適也越国侄二女一
子仲舅尚書偉大猷引經告老而陳氏從母之
子儒居仁為申書舍人終華文閣直學士里有

一舅二甥三季士之語從母及舅母亦皆封贈
至夫人外門切鄰止妣年九十尚書公亦八十
里之族姻孟春為慶既報之又合樓氏年過七
十者男女二十餘人別為一席以侈其盛仲春
為尚書慶酬酢稠疊迭為重客季春又夫人生
朝也簫鼓之聲幾死虛日未幾聖朝推老之
恩七妣授郡封尚書公進真季士郡太守致
上命羊酒粟帛之賜焜燿兩家先君在時固已
羸八十口逮今二十許年未聞納婦及婿惟孫
曾子女增四十有五入童非滿前愛抚惟均歡

笑雜背不以為厭問安直頷之而已晚歲備福
誠世所鮮儷也奉佛素謹甫三旬已閱大藏經
取龍龕手鑑以正奇字越國嘗再誦及半又与
二舅補之迹年犹作梵唄時奉因乘以示人晨
餐以前无非佛事寒暑如一晝靜多現大字未
見之書不問多寡必自者至感而後已書傳過
目如素所習諸史奉大端與止之際矣否之著
者類能道之裨官小玩所見尤衆性復善記非
出彊勉二族交婚如朱陳然親連至多姓弟之
外姻姬宗孤如燭照數計後生取質焉及見宣

和盛時暨續康間事言之皆有端緒如痛定泣
血等書間能指其不然者後得夢華錄覽之曰
是吾見聞之舊且謂今之茶褐墨綠等皆本胡
服自開燕山始有至東都者深歎習俗之變於
夷也太師史文惠公丞相魏文節公見必加敬
數年間遇奉壽則文資趙公郡侯洎倅貳而下
俱集或歎曰人間縱有此壽若班衣珠履之盛
則未之見也既倦于行或過諸院近則某輩抱
持稍遠則子若孫親扶板與每顧笑以為樂皆
或亦升堂筭非有疾未嘗不見問勞周悉旁及

其近親之安否談舊事不少差忒仰神明之未
衰也燈前則與諸婦為依經馬之劇或至夜分
不倦去年方竟頓弱雖齒豁體羸已久而耳聰
目明如舊其比蒙恩與即以九十者家不從政
力辭止妣以為然疾既革元日猶自力危坐以
待賀者其痛念嚴州兄祿不及後却恩以奏從
子澡歲首受命止妣猶能以手加額六日忽命
浴且理髮自此叩之則應不復出語而西側卧
時若微哂三日不動以至屬續殆善業之報也
仁慈董然待妾勝有恩人人懷感不待鞭扑而

自剔服者必使得所歸閭巷匹婦有來者一
以恩意接之故弔者无不盡哀聞者无不傷歎
已而大賈率鄉之士夫近百人制帥尚書黃公
郡縣官及御校正錄而下各來致祭多有哀辭
以形容盛美与哀榮終始之備且言上寿全福
无可憾者嗚呼人子之心豈有窮極况自父兄
凋喪以來母子相倚為命季孺高懼彌甚不敢
一日輕去却下而天禍我家遽降酷罰不孝罪
遂以至於此尚何以生為哉方忍死以襄大事
追惟吾母淑質懿範著聞遠通若其容德廣大

孝敬淳篤高明諒直慈祥踴粹曲盡人情而動
依大義非惟閨闈之賢婦所不能及有烈丈夫
各為紳之所難能者不肖子某自省事以來親
見實行間格言舊矣是敢泣血具載以少伸哀
痛孺慕之誠非不欲極意贊揚而屏伏苦塊拜
瞻潰裂竟魄紛亂不能盡究始末以發潛德窵
窵有時未敢求銘於當世大賢輒援曾文昭公
止妣之稱效後山陳公先夫人行狀之體敬刊
之石以對先君之碑銘以示子孫使毋忘哀哉
餘生无母可事長號擗踊冀相尋於九原之下

耳嗚呼痛哉嗚呼痛哉孝子樓其泣血謹狀

先兄嚴州行狀

曾祖常故任朝議大夫累贈金紫兗祿大

夫

姚翁氏贈永嘉郡夫人

祖昇故任徽猷閣直學士朝議大夫紫

贈少師

姚馮氏贈秦國夫人

馮氏贈魏國夫人

父瓌故任朝議大夫主管亳州明道宮

母汪氏封恭人

先兄諱錫字子善一字申伯世家明之奉化今
居于鄞蓋自我高祖正議先生始四明之樓實
出於東陽不知所遷其可尋者自兄以上才八
世先生以古孝教授鄉校凡三十二季擢第起
家金紫少師皆以伯仲殫世科後來者又繼之
表冠彬彬焉先公嘗以軍器監丞攝工部即有
忠厚廉平之稱太保魏國史公為墓銘生几子
兄其仲也兄天資穎悟精力絕人自幼從季迥
出流輩年十三游郡庠三山陳公元格典教事

鑒裁甚精兄一試占高第祖居遭建炎之燬依
外家以居先公懾事平江母氏孺伯氏繼往兄
已能理門內如老成人自爾舉業之餘幹蠱尤
篤棲汪二族古山會集人夥事叢他人智力所
不給兄為主辦則應酬中度談笑自若遇事有
騰矚不怯不躁委蛇典盡无劇易必卒故雖未
冠而中外親識已極口稱其能而期用於世矣
先公歿歆問舍而无其貨兄承親意竭力圖之
銖積寸累以立堂宇先公懷太守章歸寓奉川
兄慨然曰親年益高茲可緩耶入城謀度日以

使臨親兄執籍取物如探諸囊使无以返命耶
取屋角弊繒將封以歸奏宸吏失色兄徐曰是
非軍衣所須蓋哀以備賜花等用教實若干籍
具在也神氣湛然使无以詰尚書張公津曰某
號典領初不得親臨番輦又不任事微君吾某
殆乎張公由此受賞兄不屑也任滿主管都茶
場舍子庫開陞右從政郎上方留意楮幣兄
服勤其中纖悉明備凡事皆立成吏規不得操
手日造万紙无不精好一日揭丞相魯公有同
僚力言省罷之便兄立其後具聞之僚顧見兄

激踏而退兄亦不之辨果龍已又進謁白相君
田國家賴楮弊以資用度今罷已何敢復言然
度必復於後吏曹失業散之四方也日恐難處
集况作偽者也皆可為惟貫百例不能亂真故
多敗此曹无聊若冒為之智者不察也願擇可
用者分隸官司使得以自活丞相曰子不謀身
而遠慮及此即白於上如兄言旋攝王管尚
書刑工部架閣文字遂為真職最清簡靖共自
守垂滿欲詣銓部時史魏公再相素以兄為可
用力薦上前丞相趙公又奉鎮江獄事贊之

且奏曰是時虞某即欲處以職事官今丞相雖
知之尚避鄉曲之嫌未敢遽言上曰朕猶記
向時言信可用豈應顧小嫌耶遂除詳定一司
勅令所刑定官以薦章及格改宣教即時方修
一司一路酬賞法取諸路專降旨揮五千餘項
立條一千五百縱又編類海行法免風疾疫心
筆削損益多出其手書成奏篇轉通直郎輪對
首誦主上孝儉之德上曰朕之即位卿与
覩杳对曰臣是時雖不及見今叨朝列冬至正
旦親見陛下拜太上皇寿真千古盛事也

上顧而笑再奏請詔有司議立科目凡是則是
是做有一於此者令郡國察奉以聞擇其尤者
尊显以風厲天下孝者奉則忠臣可以求廉者
進則賊吏不必治又論乾道修法久已奉行間
有抵牾重加審核虽已出於睿斷修定新書止
緣頒降尚遲州縣无所依據胥吏因得為姦反
致淹延獄訟欲望頒行便得遵守續有陳詩自
編別勅仍下諸道且用旧法理斷免致因循待
報遷太府寺丞又以輪對論紹興和買事謂會
稽一郡賦額最重然經界之初物力及四万錢

者始敷一絹今乃半之既无物力之增徒有科
敷之倍上緣下戶舊与免科 聖朝優恤之恩
反為豪戶欺隱之地土焉者財力豐裕与吏為
市莫可究尋盡以本戶之田析以古籍五等分
立砧基多至百本却致中產之家和買歲增遍
重已甚乞以產錢均敷不復更問等第議者必
曰始科不及下戶盖恤之也今反加賦可乎是
大不然今名為下戶者實富室也真是貧乏十
无二三若仍舊貫不為更張則必盡歸五等之
籍无復可敷之絹矣又言身丁錢者皆出於下

戶欲將所取之額總計為絹若干與和買絹數
合為歲額止以產錢均開上戶雖就和買數身
丁而和買之數則頓減下戶雖就身下數和買
而身丁之免則甚優上下各得其利而官賦所
人無虧鈔書仍以和買身丁為名用防異時重
疊倍數之患若有丁無產之民則又可以全免
而為太平之氓矣 上褒嘉再四且曰卿所揀
科害甚明朕即為差漕臣與郡守同共措置又
論在帑權出之弊謂出入之各具有科條物貨
叔出勢不能免此等既非正吏止是私置文記

遇出即誣才入即銷雖有據憑終難檢柅乃一
以假不歸因有重出無死姦弊欲從外府印給
二簿何都中兩門專記權出之物門者以時拘
收太府每季稽考 上曰其弊如此朕殊不知
即命行下至今遵用之宣諭宰執天語甚寵况
前後再對所陳九事皆蒙睿獎今錄其施行於
時與其最著者遷大理寺丞獄人之司命廷尉
又天下之平固所當謹况尤格意從事謂夫獄
追逮非它處比一夫所向閭里驚搖每見吏牘
必詳究其人擇不可已者始稟鄉長而行之既

至則窮日之力親加聽察苟无用拘留則亟去
之或先有案卷者預審事節一問即得故囚之
宿於獄者甚寡考掠尤稀閱視之如傷情實懼
露而猶為慶隱者僅施十數囚徒至前未嘗坊
威以臨之斥退吏卒使得盡其欲言遇有婦人
孺子深以驚迫為戒適有大獄三數皆曖昧翻
覆最為難事兄究見底蘊處斷公年不為勢力
顧忌亦不泥法以惠姦軍民鬪訟列選寺中是
非立決率皆厭服而去由是廟堂相知逾深士
大夫則曰此真得人矣始至寺吏曰是為初官

時能決詔獄者久之熟見兄官業咸謂未之見
也況久去親庭力求外補九年四月差知嚴州
時謁告歸者拜命于家未幾交代奉祠有旨趣
行不俟臨遣便道之官九月到任郡吏早潦之
餘財用空匱陋不成邦通負動以千萬督責交
至以郡計訪察屬具訴前弊困急之狀先是曹
掾筦庫之官分往諸邑公吏五百又勞午於道
日不暇給兄曰郡尚可為也何亟如是悉使歸
之一跡不留也諸邑既已肅然之後使來受要
束畫取財賦本求雷緩急之序与夫當蠲而未

蜀已發而更催者人皆得以自言首尾七八日
朝莫相處如父兄之詔子弟凡可蠲者落筆掃
盡其它或為之倚閣或為之分限其應輸者皆
指期至郡俸二以下爭以為不可兄不為變邑
元定更之擾又罷元名之歛期會寬而信欣然
承命以行且各置二曆緘以紫囊公文之外守
宰欲有所言親題曆上不時往還吏不得與聞
其間脈絡貫通了元壅滯文移簡寡上下安便
及期无一金之負察吏尊服郡始少蘇矣木枳
出於歛即由城下以趨錢塘郡帑賴此以濟北

歲苛取商賈不通兄為之簡節踈日按舊額而
寡取之會甘甫畢牙佞一為保城即縱之順流
而下賈人更相告語來者益眾以故三閱月而
錢之入大農者踰十萬緡曾不倍征也版曹漕
司差官相踵至則与之道其所以然甚悉又隨
所索而應之相與嘆其通敏且曰下車幾何時
洞徹乃至此耶歸語諸長故兄之譽益章民訟
多据案親決各適其平受責者亦元辭奉于加
額稱誦神明者相屬也外邑番訴間取其甚者
自處之必劣其情狀而抑彊挾弱不為己甚有

訴喪衣囊於津亭者期以舖時必獲已而果然
季校頽圯所未暇及兄為之區處表裏一新像
設嚴整士類感嘆人不知役或以疑事來論從
容響答動中要領而以愛民迹厚為先務近城
木場苦於潦水築墻則喜墮插籬則易壞或以
請兄慮聲曰種木以環之則可久矣聞者以為
難及大率迎刃而解庭无留事取吏接物厨傳
賓庖下至舟子軍士之差次具有方略人情翕
然愁嘆之聲化為謳吟傍郡之氓子監司者亦
求直於无其感化流聞有非人力之所及者十

二月丁先公憂徒疏扶喪哀感行路郡人如失
慈父設祭於道者相望巷哭以送之在反僅八
十餘日人謂良一十去終更以去者未必得此
戶部傳即留公逮當今吏師謂人曰試群而辨
事者有之若樓嚴州為政平靜百廢其卒雖老
於治民者未易過也既歸追慕摧割不可解於
心力貧謀葬顏色深墨十年四月感疾去卒哭
杖遠也闕七日至五月丁卯竟不勝喪以歿嗚
呼痛哉享年五十官至承議郎娶馮氏封孺人
子男三人澡滌滌女一人適承務郎新知紹興

府餘姚縣蔣綸將以十一年八月壬午葬兄于
奉化縣龍潭正議先生之墓左澤錄兄行事以
告于某与之相抱持而哭吾之曰吾尚忍言此
子之所不知者吾為汝書之嗚呼兄之所以過
人者天才之優也然人之有才者或量不足以
容物或孝不能以自將特氣而元傲矜敏而急
情察以為明嚴而近刻為己而嗜進計科以自
豐者間有未免惟兄器度恢洪莫見涯涘受人
之觸傍現為之憤怒而辭色不少異朋友同寮
所閱多矣元不得其歡心居家作吏幾元暇日

而季問不倦尤好說詩得風雅之深旨兩薦漕
臺卒困於南宮筆力日進動翰如風對客作書
真行俱精瞬息數函不見其勞嘗見徐公競作
篆心顧好之下筆輒工好事者爭求扁榜流傳
甚多晚更斂制稍尋斯冰之體近方攷證說文
仍集張氏復古與鍾鼎遺文從韻助分欲為一
書竟不就餞別慶賀間為詩詞皆清新招當壓
倒坐人凡其見於外者至涵養履食既增益德性
委運自適則又其見於外者至薰然元貴賤長
少与之盡禮人有所求惟力是視告以急難必

傾身以應之或就之謀事先究情實能道人膏
中之欲言者為之致曲不翅見事人亦感其誠
而許之故率能如請者之意齊則如身得之喜
吾則介介若有失焉蓋其資性篤厚雅存濟物
之心而才又足以行其志此所以為不可孝遇
有不可亦必曲為言其所以不可者以曉之人
亦不以為忤克勤小物略不苟簡所居一日必
葺船居旅次容却之地亦務整潔創造器用巧
思橫出人取以為法終日矻矻有古人運甕之
志每曰勤則不匱一有自惰則不足以立身矣

人之情偽絲髮不能起而自悔其明含垢匿瑕
如弗聞者動有規矧不以己長望人人有弗及
率歸於恕徇翔免庫知己滿前不一登權貴人
之門晉人所謂性至通而自然有節者兄為近
之心計者餘使之利析秋毫有不足道而疎財
尚義不問家之所有貧无告者財推以濟其須
俸入不足以給用而食客无虛日間遇士子就
試親賓空集兄預為飯穀之計惟帳器用咸備
乎行觴豆弭月无倦色少間又問勞其之絕商
榷文義人人自以為親已婦家寢宴擬衣食之

資以助之外舅姑之喪及葬皆兄為之存歿无憾再從弟鏞幼孤求師在所兄曰是吾叔父之愛子也飲食教誨積數年遂入上庠東陽有族子曰傳以窮來歸兄育其數口又為謀資身之策温飽至今少游西安與張元晦汝明厚善乙未張赴省闈兄取其新作讀之曰君文城工而久不售者正坐用意太深為取前三年程文數十通使熟觀之曰是未必勝於子惟以筆端无滯礙耳張爽然悟場屋中一揮成篇既在選謂所親曰吾嘗一第益友之賜也其於故舊類此

嗚呼在私門為克宗之子在公家為有用之才德之感人者深惠之及物者廣况復容貌碩偉素少疾病謂必將建立事功為時聞人而止於此是何痛也故歛之日親戚交游下至閭里羣釋皆相向慟哭搏膺盡哀傳聞訃音交相驚悼久而後信之至今吊者尚未絕也兄亦自度抱負不亢抗忠閑遠紹興和買之請既行郡民間之无不鼓舞且田不知是何宜來惠吾州耶帥奏催科方急未易遽改上尤注意令候省限滿日取旨近臣復有請者遂遣漕臣以行僅能

蠲減贖官及寺現撥賜无名之額終未能盡如
兄之言兄深惜上意之未究益防利害期申
言之而无及矣兄之齊志於地不何止此哉嗚
呼兄之孝友駕矣伯氏喪于丹丘星馳護喪治
葬抚孤甚有恩意第八弟鏗之生先公以多男
子之故命兄育之抚愛如子以至成人澡之居
喪鏗實同力以報焉方伯氏之亡而諸弟尚幼
每与兄相語曰仰事俯育之類吾二人分任之
某自度才具智略考兄遠甚一聽命焉而悉意
以佐其傍處從官更為勉勵欲寡其過以母

貽親憂官勅局丞外府適相後先連營以居並
璫以趨匪敢以為榮父母俱存兄弟无改誠人
間之一樂也先公七十同婦拜寿壬寅屬疾又
同時省侍已而先公益安而兄得輔郡奉双親
西上鄉曲豔其盛丞相史公魏公率里之士夫
大合樂以送之兄日當以一身服為郡之勞而
使家人女子極奉觀之欢躬調音廿又間以政
事施設其言於庭闈以諸益甚適也不幸天禍
我家先公棄諸孤兄孺慕深切大事未涯百口
仰給爰若壽結以殯其身天乎家北游宦許久

不足以餬其口王事日廢幸能以畧業自奮改
秩才四年而得郡後卒不及澤其子竟何為哉
竟何為哉今日之事固有欲言之者豈真有定
數不可逃耶世言阳惠隱行有益壽之理未聞
兄之平生以棘寺數月治獄平凡文心炭陵一
時臨民循良之効亦宜得佑於神明而大村之
餘復不自免福善村淫豈又有時差耶不可曉
也垂白之母昼哭之淚未乾而重以晝夜之哭
門戶責任之重以兄當之猶懼不能勝其何以
堪之嗚呼不可活矣与深等忍死以圖寔處之
事又雪涕以書此或曰子之志虽切詞不亦太
繁乎某泣曰吾兄之亡斷吾手足不足以喻其
痛且重悲夫人品才氣如此而不得顯於用特
為屢出猶未能形容大槩以寫吾之悲也吾暇
文乎哉乃長号授深而使之求銘焉謹狀

攻媿先生文集卷第九十二

玫瑰先生文集卷之六

玫瑰先生文集卷之六

行狀

皇伯祖太師崇憲王行狀

祖令 訖武畧大夫贈太師益國公

妣李氏封淑人贈商國夫人

妣列氏封宜人贈齊國夫人

父子倫左朝請郎秘閣修撰贈皇免太

師中書令追封秀王謚安僖

鑰天防

玫瑰先生文集卷之六

妣張氏封秀王夫人

奉^本貫玉牒所譜伯玉字禹錫年七十有八

狀

某仰惟皇朝以忠享仁澤涵養天下累聖
家法相守一道本支鯨行日熾而昌親睦九族
恩禮隆祿直足以度越千古恭考國史開國以
來屬近行尊貴窮人壽富溢萬鍾不知凡幾然
皆生於宮邸專奉朝請望威望彰明有如周王
亦未嘗著民庸於外自熙寧間稍就外補才業
寢顯各以所長自見為五豪矣^英代不乏人曾未

有位極人臣出處繁劇海內重輕者若夫歷事
四朝寵光赫亦以間平之賢躬曾閱之行出為
龔黃之政入有旦奭之望兼是數者而又壽考
康寧子孫盛大始終無憾二百四十餘年間其
惟崇憲靖王乎其四掌玉牒嘗考福國公^藝
祖皇帝之元孫也建炎元年安僖為秀州嘉興
縣丞孝宗實生子官舍僖生不及進用歿後
有追封賜謚之寵尋又築祠堂於行在所建園
廟於瑩城如濮安懿王故事又升秀州為嘉興
府所以寵賚之極矣正其長子也安僖被服儒

雅由舍選擢宣和元年貢士第交游皆一時名
公王在髻齷有成人風安僖肅重客必命王侍
桓立拱聽長而彌謹安僖任子請以先外表張
似之安僖大喜雖銓曹以法不許王之器識自
少已不凡矣紹興七年明堂恩奏補將仕郎十
三年安僖薨王號慟哀毀見者隕涕有旨令秀
州應辦王傾橐以襄事一毫不取於公家十有八
年授迪功郎秀州華亭縣尉邑若多盜王周
行境內以五家為甲一家警盜則四家應之一
家容姦則四家同坐盜無所容焉有鹽鐵塘自

金山海口屬郡城二百里而近歲久於寒鹽運
不通王見議疏鑿卒賴其利齊國之盛以承重
解官二十五年調宣州司法叅軍既至會常平
帑廩事發與獄逮繫甚衆守將案前政王請寬
假守不聽王曰法固甚重然官劾吏竄則亡失
者不復可得若少假歲月庶可償納懲治未晚
也代者得以保全尋為補足有囚當死王疑而
爭之守是獄掾觀望者隨靡王辨愈力後加詳
讞罪止流役戚方出成道郡境津險而梁弊檄
郡為桴筏期會迫甚郡以屬王且行且謀兄官

地有林木皆黥識之歷津梁則度廣狹材既周
用馳請軍中勞以牛酒且告戚云箴材已具役
民恐不及事有非所習若調軍士五百繕治之
可立辦也方既樂從王臨視優犒士卒競觀甫
畢而師至民不知後守益歎服三十年 孝宗
自普安郡王為皇子封見王是冬以奉主循從
政即明年夏添差兩浙西路提刑司幹辦公事
未赴特改宣義即尋添差通判明州三十二年
六月 孝宗受內禪八月除集英殿修撰知台
州隆興元年十二月以職事修奉撰敷文閣待

制二年秋潦暴漲加以潮溢亟遣舟濟溺者水
將入城囊土塞門補苴罅漏水殆及女垣不爾
剛民几為魚矣細民多鬻鬻抵罪王深念况之
諭巡尉使爨訊邏獲盜則歸之官而縱其人獄
訟為之衰息而歲課自若也以治行改知明州
充沿海制置使虜再犯邊爨海道之備傳檄不
絕驚誘詘：王命邀郵筒於遠郊密愛以入民
始晏然乾道元年歲大歉飢民鬻至分處寺觀
焚廩振旅多所全活真里富田大商死于城下
囊齋臣三方吏請没入王白遠人不幸至此忍因

以為利乎為其棺斂屬其徒護卷以歸明年戎
首致謝曰吾國近亡歿尚籍其家貲今見中國
仁政不勝感慕遂除籍沒之例矣來者且言死
商之家盡損所歸之貲建三浮圖繪王像以祈
壽島夷傳聞無不感悅至今其國人以塚負至
猶問王安否六月以獲海口功陞敷文閣直學
士二年冬以邦人^攀李留再任益思所以惠民者
定海有沈寔湖豪石侵築民失其利開浚復舊
蓄泄以時規模宏固振今賴之又^有茅碯^與
慈谿接畛定海居上流旱則足以溉灌則水以

慈谿為壑紛爭久不定王以帥事行縣親視其
宜俾浚舊溝，成兩邑皆利而爭者息矣三年
秀王夫人寢疾藥必親嘗衣不解帶既連內艰
擗踊攀號絕而後蘇溢米不入於口喪行邦人
擁道送之面色深墨哀動行路四方賻禮日至
自以俸餘足以終大事恙事之年五服除八月
再知明州下車謁先聖顧瞻孝宮顏弊大出緡
錢葺之自大成殿御書閣稽古明倫二堂以至
齋舍門廡為之一新增置書籍自課諸生所習
以酒醴勸之宗子不遵防檢者俾入李舍開以

規矩半生負同後多修飾取科級者於是相与
立生祠於東序制司水軍舊屯于城外之江東
時得旨定海移軍于平江之許浦王請于朝謂
定海控扼之衝不可撤備利制司軍以實之增
葺舊營度容万竈又造鎧甲器械甚備重書褒
焉歸止揀太軍士來者無所歸王為度地城隅
為屋數十楹以處之頃歲膠西大捷之後海波
不驚而降者言始謀本欲直犯吾境或為傳虜
結高麗者上下疑之王益治戰艦嚴閱習以張
軍声遣郡人徐德榮說之得要領以歸遂寬東

在
前
顧之憂六年陞學士海寇葛明張甚王以方略
授將佐每遇必勝王曰兵不可以也遣人諭以
逆順禍福遂降羅拜於庭殷栗莫敢仰視王為
却兵衛齊威嚴以問始末明感泣悔懼願自效
又進其黨詰之其脅從者縱使復業寮屬謂明
之罪不可且恐其飽則颺去王曰慨懷來之
及其鋒以為用餘孽不足平也奏請授以官有
以佚罰為言者王復奏曰誘之降而殺之後日
何以使人遂捕將校又有倪德號倪郎尤為難
制遣明禽捕人尤危之恐其合而為一也明感

思盡力德技窮亦從招服明十五亦以此轉一官
願以分及將士復請以德為裨將自是賊之巢
穴虛實動息皆知情見力屈姦黨破散海道一
清以王善梳二人而用之也八年陞顯謨閣學
士九年陞龍圖閣學士皆以郡人借寇之請也
歲饑雜價翔踊王曰此富者鬪雜以幸災治之
則益甚乃出二十萬緡遺人雜於浙西鬪雜者
計窮爭先出雜米每尋亦踵至其價太平饑而
不害官無一金之失而行有又得其利王之慮
事周密類此在郡前後十年政尚和平寬猛相

濟平易近民千里安之禮遇察案人樂為用兩
造在庭必据案究其情實多勸諭使平之其抵
於罪率從未減平及死囚至數十百人嘗獲鑄
銅者數輩謂曰汝欲希利而冒重禁邪人與錢
二萬使易業碎其器而書姓名於籍後犯決不
貸也亦無敢再犯者每曰節用愛人不易之道
與其苛取急征以資費用孰若量入為出以求
裕乎不飾厨傳不事包苴鄰郡交餽盡歸公帑
行之既久沛然有餘百廢具舉歛不及民以郡
之西湖為放生池扁其堂曰廣生列名於側刻

採捕之禁待遇賓客不為豪侈而尊姐風流恩
意周洽寓公寄客皆得其歡心而不敏干以私
也自以久去松楸索求閑退雖優謂伊至而歸
志不回淳熙元年十一月始得請除端明殿學
士提舉江州太平興國宮去郡之日貴賤羣緝
攀轅挽留出境不絕三年積官至奉朝大夫二
月換授安德軍節度使提舉隆興府玉隆萬壽
宮九月加開府儀同三司亮萬壽觀使九年九
月充明堂大禮橋道頓遞使至是始見
天顏感動清問欵洽王性素謹不敢以語人又

朝于德壽宮高皇喜曰久欲見卿撫勞甚
至禮成加少保封榮陽郡王高皇曰吾欲自
見篤睦之恩賜以玉帶一二年充郊祀別廟亞
獻十四年高宗登遐王奔赴見孝宗於素
帳龍輅啓塗事大體重詔亮總護使十五年陸
月加少傅八月充明堂禮頓使十陸年二月
光宗龍飛以皇伯加少師紹熙元年三月詔入
覲加太保嗣秀王仍賜甲第於安禧祠堂之側
屢欲奉孝宗幸祠弟王力辭憲聖慈烈皇
后賜水月園堂曰瀛燕亭曰玉林湖州私第中

又有堂曰慶遠圃曰小隱樓曰溪山勝槩扁榜
皆三朝宸翰也紹熙中憲聖洎孝宗
光宗皆同中聞晏嘗臨幸光貢林壑詔益其地
並湖為複閣有司既度材矣王恐重費縣官又
固辭焉每侍清燕之間兩宮皆待以家人禮
王執禮愈恭語太輕發一日孝宗宴私隆洽
不覺前席密問潛龍時事王遜避良久徐奏臣
老矣不復記省問至再三終不敢言孝宗笑
曰何太謹也然以此益加愛重嘗召王及諸子
宴于此宮之靜齋孝宗曰近者元夕簫鼓之

聲不絕斯民自得其樂不欲禁止然物戒太盛
為之惕然足夕不飲酒僅啜一盃湯而已大抵
人君不可不事節者若肆意所為將何所不至
王對曰陛下兢業如此雖堯舜無以過自古
人君誠能不溺於宴安則怠荒之念何從而起
孝宗深然之二年六月判大宗正事宗司任法
太過天族固賴以整肅而頗虧親睦之意王處
以平恕厲以廉耻鮮犯令者每言要當先教導
而後齊之嘗建議別立宗學月書季考以教天
下之宗子請出餘祿以助贍給又以減宮廟負

關之多請復增數以優之事雖不行識者韙之
三年六月拜太師五年辭太宗正事七月主
上登極加皇伯祖免奉朝請九月充明堂亞獻
詔加兩鎮於是兼崇信軍節度使十一月充
永阜陵殯宮禮儀使慶元元年以復土拜中書
令王以曠典五辭徐筆答曰遜避莫回勉從所
議可別議褒崇之禮乃詔贊拜不名嘉泰改元
賜第為火災延燔乞還湖州故居守園廟二年
春趣召賜肩輿至殿門令孫子扶掖命有司復
營舊邸四月王丐歸九月癸亥薨于正寢遺奏

聞上震悼輟視朝三日賜贈加厚賜棺舍以
蟬冠朝服歛遣內侍押班左武大夫保康軍承
宣使吳思忠等五人護喪設祭之文甚寵曰
藝祖造邦源深流長子孫繩繩百世其昌嚴
秀邸不顯其光積久愈厚駕生賢王灌祥麟
玉質金相允文孝宗則友其兄召繇外藩賜
第于京迺分第社于彼索陽六旗金節絢爛綏
章文考念功曰篤不忘建祠秀園曰履是荒太
師維垣袞衣煌煌爰暨冲人應龍初翔宣力有
為調娛多方予嘉乃勲臚句不名紫微是令遜

避勿違貴極愈謙年耄益莊踰七望八熾昌壽
臧子侍孫携蟬冕相望王比來朝精神方彊謂
嘗百年鎮此宗盟不遠伊迤降此弗祥從大父
行生死哀樂王寶無憾典刑云亡緘辭往莫寄
哀一觴又遣太常博士錢易直等較祭于都門
外文曰我伯祖父標的宗英奉釐列邸隱然維
城天胡忍予殲此老成爰飭拜典命使以行造
致奠筭以貢泉局爰以量幣清酌齊牲案盛庶
品用薦哀誠十一月癸卯諸孤奉王之喪葬于
烏程縣永新鄉成山之源王娶安德帝姬之女

信安郡主宋氏父保慶軍承宣使附馬都尉邦
光實徽宗皇帝外孫也封衛國夫人先二十
四年薨追贈齊魏國夫人威有懿範媿德娠賢
用肥王家子男十人長師夔典寧軍節度使開
府儀同三司充萬壽觀使以王之襄奉哀毀而
薨贈少師追封新安郡王謚恭榮次師撥檢校
少保奉國軍節度使提奉佑神觀兼秀安僖王
園令次師岳定江軍節度使提奉佑神觀次師
稷登次師高深州防禦使提奉佑神觀先五
年卒則昭慶軍節度使追封信國公次師禹慶

遠軍承宣使提舉佑神觀次師臯保慶軍承宣
使提舉佑神觀次師岳朝奉郎新叔發遣通州
軍州事次師彌奉議郎添差通判嘉興軍府事
次師貢宣教郎添差判通廣德軍事師岳師彌
師貢俱得旨除直祕閣未拜女三人長嘉興縣
主適故朝議大夫直祕閣知蘄州軍州事鄭嗣
宗登上次永嘉郡主適故宣教郎添差兩浙轉
運司主管文字張似續次新安郡主適朝奉郎
直祕閣新權發遣高郵軍事史彌堅孫男二十
四人希道朝散郎新權發遣嚴州軍州事希明

承議郎新權發遣黃州軍州事希遠通直郎添
差通判慶元軍府事希德通直郎添差權通判
衢州軍事希永武翼郎特添差兩浙西路兵
馬鈐轄湖州駐劄希頴故儒林郎紹興府上虞
縣主簿希行故將仕郎希古武翼郎特差行在
點檢贍軍激賞酒庫所幹辦公事希純奉議郎
添差通判衢州軍州事希閣右千牛衛將軍權
主奉秀女僖王祠事希抗右千牛衛將軍希訓
太子右監門率府率權充秀安僖王園令希燈
忠翊郎特添差兩浙西路兵馬副都監嘉興府

駐劄希禁承事郎新差監臨安府糧料院希謨
太子右監門事府率希呂忠翊郎希恆成忠郎
希復忠翊郎希功承事郎餘五人未賜名補官
孫女十人長永承縣主適通直郎知江陰軍江
陰縣事胡元卿次適承務郎特改添差監兩浙
轉運司造船場范華次適保義郎新差幹辦御
前中佐軍頭引見司吳璞次適從事郎特添差
婺州觀察推官林燮次適承事郎特添差通判
嘉興軍州事韓抱次適承節郎新差幹辦御前
忠佐軍頭引見司兵吳珙餘未行曾孫九人未賜

名補官曾孫女十五人長適文林郎特改添差
婺州觀察推官沈燁餘尚幼嗚呼杜甫謂汝陽
王為貴天人某謂崇王天人也其生也秀王夫
人夢彩傳呼導朱袍而冕者直至寢所奏伏鈞
天之樂既覺聲猶在耳免乳之際香霧滿室終
日方散及為安僖卜宅兆衝哀走數百里惟烏
程之菁山最佳卜之而食然念力不能致裴回
其處一叟忽前曰官豈姓趙而欲求葬地乎王
矍然曰汝何以知之叟曰嘗夢神告我矣指所
卜之地以售今復園是也方丞郡時居湖心僧

舍夢有形狀猥異而繡衣者葉小舟環繞數回
訶問之則曰公它日當為地主故巡護爾既為
守又嘗夢其人言有召公者過小橋人之憔悴
與支體不具者紛紛求拯援甚哀尋見所召者
曰適所見得無動心乎此曹久不安居願庇之
唯而覺莫知何故後出郊過一橋恍如夢所見
而道旁葉葬纍纍有暴露者王悟曰神豈以是
望我邪悉為掩瘞之晚嘗率鄉人禱雨道士伏
章王盛服端立左右見嶮岢久之瞑而不跌頃
之語人曰適覓神游帝所以聞雨告帝既許我

矣翼日膏雨如津闔境皆足翰林李士洪公近
載於夷堅志尤詳神異之事固為難言如王之
交於神皆明白而又有驗於後故屬續之日起
慶如平時夜尚觀書甫二鼓始覓體中有異集
子孫告之曰時至矣了無但化殆僊去矣嗚呼
王真天人也王夙姿秀挺襟度粹夷忠孝誠篤
恭儉謙勤皆其天分加以好孝善持論春秋二
丁必具盛饌祭先圣于家塾率子孫拜之四十
年未嘗廢每曰熟讀論語一書平生受用不盡
又喜誦孟子問奉二書之疑與客反覆論辨又

撫其旨而為言曰食色雖重禮義以安之富貴
可求非道則不處又旁取釋老二家而為之說
曰愛欲煩惱對治法門又曰願者情皆得度無
情保長生書之坐偶以自警嘗有方外之士書
廣大慈悲方便忍辱八字以獻其徒復為之辭
幾數百言王書其旁曰廣大聖之事也慈悲仁
之用也方便智之功也忍辱謙之德也旨要在
此奚俟多言其人愕而退蓋其所存者如此喜
玩法書字畫溫秀如其為人賦詠賡酬愈出愈
新多記詩詞筆端富艷慕品甚高皆其餘事居


間則以此自娛也寬厚有餘事秀正_王夫人尤謹
迓養在官退食娛侍夫人必勉以起服膺慈訓
不嚴而治未嘗案一寮屬作尉時有部使者責
以躬督人舟王無雜色使者見王徒步亦悔之
後其子將丞屬邑久之不敢進王趣之且曰何
待我之淺也終為制奏丞至感泣燕居自怡申
申天天無疾言遽色侍側勝冠者衆童_州紛如
也皆傲之辭色弟戒以謹守儒素下至臧獲米
嘗怒辱之不以貴盛自居嘗見丞相魏文節公
於山間先屏驪從至川下車趨就賓庶吳興太

守旦日拜表僅畢而謁已入矣賓客至前少賤亦為之加禮總角朋游雖寒左皆能記憶至錄其小字以示不忘鄉人為真率之集以勢位遼絕不敢有請王曰非所聞也竟予之周旋自奉至薄食不重味器不華飾衾襦用布浣濯紉補不棄也買屋而居稍加葺治詹事王公十朋為守歎曰某劫書生築屋尚窮事力意邸第必極輪奐之美今見之使人媿歎親舊之貧者月有廩給嫁娶病故隨高下齊之兩雪日冬則令人走閭里賑施嬰孩遺棄則募乳者收育之益用

之以義者則所不吝也某父子兄弟出入王門脫与班綴時得進拜眷撫有加焉王在朝端山立玉色貂蟬寶帶進止有度照映班列固已增重朝廷紹熙末年往來兩宮調虞密勿若不動聲色而外廷屬目倚王以為重造鄰從容多有獻替一語不露於人或有人以傳聞求質者但曰無之故莫得聞焉此某所親見者兼直禁林王之加恩兩鎮拜中令三制皆忝視草迨丐外而歸隆暑中訪別於官舍屏居海角不敢以姓名入修門王賜之書且致酒餼之饋若施於敵

已者銘於心不敢忘也王之訃聞識不識皆有
殄瘁之痛惟明之人去思最深至流涕相弔葬
既不及為執紼之役亟走五詩功寓哀挽之私
王之諸子自少保而去遠寄事實俾狀王之行
將以求墓隧之碑某不佞竊惟王之抱負非淺
陋者所能窺識爰自建節之後富貴逼人名位
日尊而所蘊自是無有表見於外人但見其養
威重保明哲而已盛德全美細事本不必書王
自少涉歷至多克勤小物持循有素故能善始
以終為一代宗工重臣正以平時踐履積而至

此故亦不得而略也敢具列之告于太史氏以
備採擇謹狀



Handwritten text in vertical columns, likely bleed-through from the reverse side of the page. The characters are faint and difficult to decipher, but appear to be in a traditional East Asian script.

